

کتاب

کتاب پېلگيلری:

- کتاب آتی: سقر آت
- یازووچی: سید هاشم جعفری
- مهتمم: محمد حلیم یارقین
- نشر اېتیووچی: افغانستان قلم انجمنی
- نشر ییلی: ۱۳۸۹ ش.
- سانی: ۱۰۰۰ جلد
- نشر پېری: کابل، میوند باسمه خانه سی
- صفحه و دېزاین قیلووچی: ژکفر حسینی

محبت

جت دېگن طایفه لر بیر زمانده مزارشریف شھری نینگ اطرافیدہ یشر اېکن لر. اولر نینگ گپرش لهجه لری اېسه (ق) حرفی نینگ كۇپراق (غ) شكلیده سۆزلردیلر. مھرو انه اؤشه طایفه دن بۆلیب، جوده گۆزل قیز اېدی.

اونینگ قرا كۆزلری چیرایلی و قاشلری اېسه عجب بیر الهی مھارت بیلن قلمدېك چیزیلگن. بیر کون اۆزی نینگ تارتار و ملایم دن - ملایم گینه ساچلرینی ترهب، ناجو درختی نینگ اُستیده اۆتیرگن اېدی. او اۆرنیدن توریب خیمه لر ساری يوره باشلدى. اما اولر نینگ ياتر يېرى انه شو خیمه لردہ اېدی. دېمك، اولردہ بیر گینه یشش يېرى يۇقلىگیدن اؤشه خیمه لردہ اۆتیرردى. ولی مھرو خیمه لردن يمانی كېلیب، بیر يانگه چيقيب اۆتیرگنده نیمه دیر اؤیلاو بیلن خیمه گه هم بارمه دى. بیر - ایکی يمان بروتلى كیشی نینگ اۆتیرگنینی كۆردى. ولی مھرو قیتہ دن خیمه گه كیرمه دى و ایزیکه قیتدی. دېمك، او اۆزی نینگ انه شو یشه يديگن محیطیدن بیر از متنفر اېدی.

بیر کون او اُق گاج كیریب قرسی نی باشیگه سالیب، قرسیگه ماس چیرایلی و گل لاله دېك كونه گینی كییگندی. او بیر كته كان قوم تپه ليككه باریب چيقدى. گل لاله لر اطرافنی هم يم - یشیل قیلگن تورلی - تومن اۆتلر و گل لاله لر طبیعت نینگ چیرایى اوستیگه چیرای قۇشگن اېدی.

آسمانده اېسه اېندی گینه قویگی تماندن چیقیب کبله یاتگنی یوپقه بولوتلر کۆرینردی. ولی بولوتلر یاغمه دیلر، مهرو هم بیرآزدن سۈنگ خیمه گه باردی. خیمه نینگ تۈریده آته سی میرلالا سله سینی قارن اۈستی بیلن قۇییریب، اوزه لیب یاتگن و آنه سی اېسه اونینگ قوی تامانیده اۈتیرگن اېدی.

خیمه ایچکری سیده اېسه کۈرپه و کۈرپه چه لر تۈشلگن. میرلالا قیزی نینگ کۈرگچ، اۈرنیدن توریدیه، یانباشیدن جای بېردی.

مهرو غمچن حالده - آته سی میرلالا ساری بیر یۈل قره ب قۇییب، گېیرماقچی بۈلگنده آنه سی گپ باشله دی:

- نېگه اۈیلاو ده کۈرینه سن؟... دېدی قیزیگه و ینه کبېن:

- منه قیزینگیز!... گېیرینگچی؟... دېدی اېریگه مهرونینگ آنه سی اشاره قیلیب.

شونده آنه سی بیر یۈل ینه هم ایرجه ییب قۇیدی. ولی ایتر گېینی بیلمه دی. اما مهرو آنه سیگه قهر اره لاش قره ب، نگاهینی بېرگه قده ب هیچ نرسه دېمه دی. و ینه آته سی خاتینی گه قره ب:

- قیز دېگن نرسه نیمه اۈزی، خاتین؟ - دېدی.

درحال مهرو انه شو سۈزینی اېشیتگچ، اویدن چیقیش حالده میرلالا کته کان کلتک نی قۇلی گه ائیب غضب بیلن قیزیگه حمله قیلدی. بیراق مهرو هنوز هم اۈز گپی گه محکم و استوار اېدی. مهرو نینگ آته سی بیر پولدۈست آدم بۇلیب، قنده ی دیر ایش قیلیب مهرو اوستیدن پول تاپیش فکریده اېدی. پول اونگه همه نرسه بۈلگن اېدی.

میرلالا مهرو قیزی نینگ اۈزون و خرما بوياغیگه مېنگزش ساچلریدن محکم اوشله گنچه ازانچه اوروب، سېهلب، مهرو نی هوشدن کېتکیزدی. قیزی نینگ حتی قاچماققه حال و مجالی قالمه دی. کبېن اۈشه کېلگن آدم اختیاریگه قۇییب کېتدی....

اما او آدم سله سینی یانباشیده گی تاچه گه قۇیدیه ده، مهرو بیلن مهرو و محبت اره لاش گپله ی باشله دی.

مهرو اوشنده هم اونگه قرمه ی بیر مرته خورسندی - ده، یوره گیده گی الم و قیغولر نی اۈزیچه یاییب قۇیدی.

- قولاق سال عزیزیم، سېن شونچه لر هم چیرایلی و گۈزه ل سن که ...! - دېدی، سۈزینی قېرقیب مهرو گه.

مہرو اپسہ اونینگ سۆزلریگه پروا قیلمەدی، کۆز یاشینی رومال بیلن سییریپ، اویندن چیقیپ کەتدی. کۆپ فرصتلر اۆتدی، مہرو آتە - آتە سی بیلن یوزمە - یوز قەدەلم قیلدی. او بېچارە بیر کتە داغلی و ننگلی گرداب توزاگه ایلینگن اېدی. مہرو ھمیشە بخت سیزلیک و قرا کونلرنی باشیدن کەچیریپ، اۆشە یېر محیطی گە نسبتاً نفرت و اضطرابگە تۆلگندى.

تانگ پیتی بھار نینگ قوت یېرووچی شمالی اېندی گینە ھور - ھورلې قوزغالدى. اطراف - آسمان یمیشیل بۆلیپ، کۆمکۆک میسە لر بیلن قۇشیلېپ، چیرای اوستیگە چیرای و کۆرکملیک بغیشلردى.

اۆشە یېر فضا سیدە تورلیتومن سیراقی قوشلر و بلبلرنینگ مستانە وار تاووشلری ضمیر قولاغیگە قە لردى. ضمیر آتلی یېر ییگیت اۆشە یېردە گی قیشلاقە یشردى. اونینگ گاودە سی تاغدن بیچیلگن دېک چھارشانە دن کېلگن بۇیچن ییگیت اېدی. یوزی آق و کلچە، قاشلری قلمدېک چیزیلگن، عزم و ارادە سی کوچلی اېدی. او اېندی گینە اۆزی نینگ سرداش اۇرتاغی بیلن میسە و کۆکلرنی سیر و تماشا قیلیش مقصدە، ملا اذان بودنە اوویگە بېل باغله دی.

ضمیرنینگ قۇلیدە تۇپچە. تیککە تورگن حالده اطرافیکە متوجە بۆلیپ، بودنە لرنینگ پاریم تاووشیگە قولاق سالیپ، دقت بیلن اطراف و کۆکلرگە تامان تېرمولېپ قرە شتیریپ، تۇپچە قیلدی.

شو اثنا دە تۇپچە تاووشی نی اېشیتگچ، بودنە لر قە یېردن دیر سیرە دی. ھمە اۆتیرگن آدملر اۆشە تاووشگە قولاق سالدیلر. بودنە ینە دە بیر مرتە سیرە دی. شوندە ھمەلری بودنە توتووچی تۇرینی میسە لر اوستیگە یازیپ، تۇرت کیشی تۇرنینگ تۇرت پایە سیگە یاندە شیب، بیگە نیشیب قالدیلر. بودنە لر - تۇر تماندن مستانە وار سیرە دیلر و نېچە بودنە اولر قۇلیگە توشدی. اما ضمیر یېردن توریپ، قۇلی نینگ اغزیگە تېگیزیپ استە اۇرنیدن توردى. کېین قۇلی نی پېشانە سیگە پناہ قیلگندېک، اوزاق راققە قرەب نېچە قدم یورگچ، کۆزی کېلە یاتگن بیر نازنین قیزگە توشدی.

او سربغ کۆینک کییگن. صورتی آق گینە گاج کیریپ قرسی آستیدن چیرایلی کۆرونېپ، زیبا و حسین لیگینی اۆتە یخشیراق نمایان قیلردى

....

او مہرو اېدی. ضمیر اپسە اونینگ کۆرگندیک، خوددی اۆزی نینگ یورە - گیدەگی بار مقصدیگە یېتگنکە اۇخشب، اۇرتاقلرنی کۆمکۆک میسە لر

ايچىدە قۇيىب، باشقە بىر بۇدنىمھرونىنگ قۇلگە كېلتىرىش مقصددە اونگە قرە ب يورە باشلە دى.

ولى اورتاقلرى بۇدنى توتىشگە مشغول اېدىلر. مھرو نىنگ اق تخم دېك قىرسى ملايم گىنە بهار شمال ارقە لى پر- پرلپ، خوددى شمالدە اوچىب كېتگۇدېك بۇلگن پىتى اۇشندە ھم قىرسىنى محكم توتىب تورگن حالدە قىردى. ضمير اونگە يقين باردى. اونىنگ تارتار بۇلىب ياتگن ساچلرى اق قىرس تگىدن كۇرىندى.

او باش - اياغ اونگە نظارە قىلردى. اياقلىرىدە گى اق بوتلرى بوتولەى كۇنىك و كىيىم لرىگە ماس تورردى. ولى ازگىنە اولرنىنگ اۇستىدن ضميرگە قرەب قۇيدى. دە، ھىچ گىرمە دى. بىر ازگچە اولرنىنگ ملاقات و اوچرە شووى شۇندەى ايمسىم دن باشلندى.

فضادە سكوت حاكم اېدى. ايككى لرى نىنگ عاشقانه نگاهلرى بىر- بىرلرىگە توشدى. سېوگى و محبت اولرنىنگ يورە كلرىدن جاى الگن و استھسېكىن. ايككى لرى خىمە سارى يورە باشلە دىلر. مھرو خىمە دن جودە كۇپ نفرت قىلردى. اۇشە پىتدە كۇزلرى خىمە گە بۇلىب، اۇيلە نىب: - نىمە اۇيلاودە سن؟ مھرو جان، عزيزىم! ... دېگندە، مھرو مھرا لىش قرە دى: دە:

- مېنگە اولوم يا كە سعادت يۇلى!... دېدى. كېسكىن سۇز بىلن ضميرگە قرە ب:

- نېگە بۇندەى دېيسن! - دېگندە ضمير، مھرو دېدى:

- سىزگە ھمە سىنى ايتە من!! - دېدى، ضميرگە اطمېنان بېرىپ قۇيدى. مھرو اسانلىكدە ايتە المە دى. گۇيا اونىنگ يورە گىدە كىم قنچە گېلر و اۇيلردن تۇلە بۇلسە. اما او جىم جىت اېدى.

ضمير ھم مھرو نىنگ حسن و جمالىگە عاشقن. اونىنگ خمار كۇزلرى ضميرنىنگ يورە گىنى اۇزىگە تارتدى.

- عزيزىم سېن بىر گېنى مېندن ياپە سن. اگر- دە سېن اۇشە نى مېنگە ايتىب بېردىگندە...

- ھىچ گېنى ھم سىزدن ياشىرمەيمن... لېكن...! دېدى يو يورە كدە خورسندى:

- لېكن مېن شۇندەى بىر كىشىگە تېگە من كە، شو خىمە محيطىدن مېنى نجات بېرسە، دېدى. مھرونىنگ كۇزىلدىن ىنە دە مور- مور ياش

تۈكىلىدى. كۈزلىرىدىن ياش نىنگ اينجو تامچىلىرى لېرلېب تورگن اېدى. شو
ياش اره لش ضميرگه قرا كۈزلىرىدىن تامگن ياشلىرى اره سىدىن تېرمولىب،
گويا اوشبو قره ش ارقه لى ضميردىن مدد و ياردم تىلب، اۈزىنى ضميرگه
ياووقلشتىرماقچى بۇلدى.

شونده ضمير مېربانلىك بىلن چىن يوره كدن مېرو نىنگ كۈز ياشلىرىدىن
كۈپ گېلرنى اۈيلىب سېزدى و بىر عالم سۈز و گداز اونىنگ يوره گىده
كېچگن اېدى. او بىر عالم اۈى و قىغوگه كۈمىلىب، نىگه دىر وعدە
بېرىشنى ھم بىلمەدى.

مېرو يەنە بىر مرتە يىنى سىرە ب ضميرگه يانده شىب يالواردى:

- ضمير، سېن مېنى يوره گىمدە گى ارمانىمگە يىتكزە سن. سېن اۈشە
ايشگە قادرسن. مېن سېنگە يوتك توتماچ من ... مرد يىگىت سن ...
عشقىم سن!...

ضمير بو سۈزلىرنى اېشىتىگچ، ھمە بىر اونگە قىتىق و ققشتىغىچ بۇلىپ
كۈرىندى. مېرو ضمير نىنگ بۇنىدىن اۈيب، يەنە يىقلە ي باشلەدى:
- ضمير گېير دېامەن! گېير مېنگە وعدە بېر ... مېنىنگ چارە مېنى سېن
قىلە سن! بخت سىز عيال من!

ضمير قندە ي قىلىپ مېرودېك بىر جت قىزگە نىمە دىر وعدە لر بېرسە و
نىمە ايشلر قىلىش حقىدە اۈيلردى.. او ھم اېل باشقە و رسم رواج ھم
باشقە بۇلسە!! اونىنگ ھېچ بىر گېى ھم ماس كېلە ائمەدى و مجبوراً
مېرو تمان قرە ب، يوره گىدە گى سۈزنى ايتدى:

- مېرو! سېن مېنى مجبور اېتمە ... مېن سېنى قىسى شىكلدە اۈز
نكاحىمگە اۈيب بىلە ائە من؟ بو ايش مېنگە بدناملىككوا! مېن ائە گە قندە
ي قرە ي ائە من؟ اخىر مېن ائە نىنگ اۈغلى من كوا! دېدى يو، مېروگە
اېنگ سۈنگى گېلرنى توشىتىردى.

تېر تامچىلىرى ضميرنىنگ تقدىر و پېشانە سىدىن تامردى. مېرو نىنگ نالە
و فرىادى ھنوز توگنمەدى.

شو ائنادە مېرو يەنە يوره گىدن كويندى دە، سۈز و الم لرى كۈپ لىگىدن
اۈرنىدىن توريپ، ضميرنىنگ بۇنىگە اۈسلىدى و زارلىنىپ:

- ضمير! اگر مېنى نجات بېرە ائمە سنگ، ال اۈزىنگ مېنى اۈلدىر.
بۇنىمنى كېسىپ تىشلە... و لېكن مېن قانىمدن اۈتە من! اۈلدىر مېنى!
عشقىم خداسى سن

ضمير هم اۋىلب كۆردى، لېكن مېرو نىنگ چىرايلى و بىر بختلى عيال بۇلىشىنى اوندىن قىسم بېرىپ سۇره دى:

- اۋشندە ى كه سېن مېنى مېجور قىلە سن، سېن حاضر بۇلە سن مى؟ بىر عفتلى و پاك عيال بۇلىپ، مېن بىلن حىات كېچىرىشگە نىمە وعدە بېرە سن؟

مېرو شو گېنى اېشىتىگچ، خوددى اونىنگ وجودىگە تازە دن روح بېرىلگندېك بۇلىپ، ضمير تمان قرە دى:

- اۋشندە ى يمان بېردن چىقسىم، بىر پرهيزگار عيال بۇلە من، دېب اولوغ تېنگرىگە أنت ايچە من!

ضمير كۇپ اۋىگە چۇمدى. سۇنگى كېلە دىگن گېلر نىنگ حل قىلىپ، جدى تصميم بىلن ايش بجرىش مقصدە ادىم قۇيدى و مېرو نىنگ باشىنى سىلب:

- اگر سېن مېنگە شونچە لر وعدە بېرىپ، اۋز عزم و ارادە نكدن قىتمى، مېنىنگ شرطلرېم نى ايستە سنگ، ولو كه بدنام هم بۇلسىم سېنى شو بېردن قوتقزە من!

- اۋشە بېردە فضا اۋزگردى. يوره كلرنىنگ توگىنى هم اۋشە زمان اچىلە باشلپ، ضمير هم شونده ى بىر جدى ايش بجرىشنى اۋزىگە مېم و كېسكىن بورچ بىلدى و حوىلى سى تمان كېتدى.

اويدە ضمير نىنگ آتە سى، اۋغلى حقىدە برچە گېلرنى اۋز خاتىنى بىلن سۇزلىشىپ تورگن پىتى، ضمير اۋىگە كىرىپ كېلدى و بىر يانگە اۋتېردى. آتە سى بىرىنچىدن ضميرگە قرە ب:

- خۇش اۋغلم، اېشىتە من كه بعضى نامناسب و بۇلمە غور گېلرنى ايتىر ايمىشىنگ! لېكن اۋزىنگ اۋىلب كۆر كه مېن كىم، سېن كىم و اۋشە بخت قرا بۇلگن مېرودېك جت قىز كىم؟... سېن اېندى مېنىنگ اهل خاندانىم نى بىر جت قىز بىلن المىشترمه....

ضمير اۋرنىدن تورىپ، ملايم لىك بىلن گېگە باشلە دى:

- آتە جان، همه گېلر نىنگىز تۇغرى. هر قنده ى كىشىلر سىز و بىز نىنگ عايلە مىزگە ماس كېلمە يدى. لېكن بىر يىقىلگن كىشى نى ينه هم يىقىتىپ، تېپىش هم ضرورى؟... مېن سىز بىلن مشوره گە كېلدىم ... او كېلە سىدە بىر پخشى و پاك عايلە عىالى بۇلىشگە وعدە بېردى، أنت (قىسم) ايچدى.... آتە جان سىزدن اجازە تىلە يمىن!؟

آته سی شاشیلیب دەدی:

- یوق - یوق، مېن هرگز اوشه نکه موافق اېمس من! او قهر و غضب آره
لش:

- بار، سېندېک اولاد مېنگه کېره کمس! دېب، اونى اویدن چيقردى.
ضمير اچيقلب اویدن چيقيب کېتدى. او قهر و غضبگه چومگن اېدى.
بوتون وجودى داوديره ب، اوزى نینگ اېتگن ايشى اوچون اؤيلب قالگن
اېدى. اېندى بير ياندىن مېروگه بېرگن وعده سى گه باقه عزم و اراده
سېنى سېنديرمسليگى و باشقه تماندىن اېسه آته سى نینگ اؤزىدىن
رنجيتيشى کېره ک اېمسدى. ضمير اؤزىنى بير چوقور گراب اېچيده
کوردى. اونينگجه، بير يېگيت اوچون اؤز عزم و اراده سېنى سېنديريش هم
جوده اغير و قين نرسه اېدى.

اما او مېروونینگ سېوگىسى گه اېرشيش اوچون همه گېلرنى فکريدن
يېتيريپ قويدى. مه رو و آته سېنينگ اونگه ايتگن سؤزلرى اونى آزار
بېردى:

- آل بېچاقنى، بۇنيمنى کېسيب تشله ... اؤلدير مېنى... عشقيم خدايى
سېن

و آته سېنينگ سؤزلرى:

- يوق - يوق! مېن کيم و سېن کيم و بير بختى قرا بؤلگن جت قيز
کيم!! دېگنى قولاغيده جرنگلردى.

و سرانجام ضمير باشيده گى بهار قديفه سېنى بۇغزى آستى بيلن محکم
باغلب، حتى شمالدن هم ايلدم راق ات چاپتيريپ مېروونینگ ديداريگه
يېتیب باردى.

خيمه لرده سکوت حاکم اېدى. برچه خيمه ده گيلر ضمير نظريده کسل
بؤلگندېک کورينردى.

او آتدىن توشيب، چققانليک بيلن مه رو سارى باريب بلند سېس بيلن:

- مېرو، مېرو!! دېبه قيچقيردى. مېرو هم ضمير سېسى نى اېشيتگچ،
اونگه قره ب چاپدى. هنوز ايكاولرى بير- بيرلريگه يېتمه ي توريپ، يوره
گى النگه سيدن ضميرنى کوروب يېغلب يوگوردى:

- کېلدينگ مى! - ديه، بير- بيراولرى بيلن قوچاقلاشيب قالديلر. شونده:

- مېرو، مېن سېنى آليب کېته من! دەدى ضمير. ايکكى لرى آتگه مينيب،
اؤزلرى تنله گن بخت و سعادت يوليگه توشديلر.

تون اۋزى نىنگ قرا توتون دېك خىمە سېنى يىغىشتىرىپ، اۋرنىگە تانگ نىنگ يوپقە گىنە اق چادرى يازىلە ياتگن اېدى.

مېرو بىلن ضمىر بىر باغكە يېتىدىلر. كېچە پىتى باغ ارە سىدەگى تاووشلر قندەى دىر قۇرقوو اولرنىنگ يورە گىدە توغدىرردى و خوددى بىر عالم لشكر قىلە ياتگندېك سېزىلردى.

مېرو بىزاوتە لىك بىلن اۋرنىدن تورىپ، اطرافنى نظارە قىلدى. ھەمە پىر ملااذان بۇلگىنى نى بىلدىرردى.

او بىر مرتە گىنە شاشىپ اطراف آسمان و باغ نىنگ قرانغو سىكوتى نى كۆردى. ولى اونىنگ قولايگە قىمىشلىرىنىگ شىغشىغ تاووشى خوددى بىر كىشى ھىيىتلى كۆز و قوارە سى بىلن يا كە خوددى ياواى جانورلر كېلە ياتگندېك بۇلىپ، تويولردى. او بىردن قۇرقىب پىرىگە اۋتىردى. خلص ھىيىتلى كېچە مېرونىنگ بىر دىققە ھەم تىنچ و اېركىن حالدە قۇيمە دى. اما ملااذان گە ياووغ پىتى مېرو كۆزى چرىمگە كېتىدى... ولى قىسقە اويقو مېرونىنگ ىنە دە اويغاتدى.

او ھلاسلنىپ اطرافكە قرەى باشلە دىدە، ضمىرگە اويقوسېنى ايتدى. اونىنگ كۆز لرىدن ياش تامچى لرى مىزىمىز تۇكىلدى. خوددى اۋزى نىنگ كېلە جىك سىرنوشتى نى انە اۋشە توشدە كۆردىدېسىن.

تانگ پىتى سوت دېك اقريب كېلە ياتگن اېدى. ضمىر مېرو بىلن اېندى گىنە اويقودن اويغانىپ، ىنە بىرىانگە حرىكت قىلىش مقصددە ات نىنگ اېگرلماقچى بۇلىپ پىردن توردى. ات بورنى نىنگ پىشقىلاتىپ پىردە گى پىخال لردن پىماق اوچون بۇىنى نى پىرگە تمان چۈزدى و ضمىر اونىنگ يوگىنىنى محكم اوشلب، اىكى لرى اتگە مېندى لر.

شو اثنادە بىر ھىيىتلى سىس اولرنىنگ قولايگە سىنجىلدى:

- تاختە دىمن! قىمىراىتمە! ... خىيىت! اوضمىر آتە سى اېدى..

ضمىر بىردن آتە سى نىنگ جىزابە لى تاووشى نى اېشىتىگىچ ات يوگىنىنى تاولب قرە دى:

- قىمىر اىتمە ضمىر! دىپە - ىنە اۋغلىگە ھوشدار بېردى. ضمىر درحال

اتلن توشىپ آتە سىگە تمان قرە دى. اونىنگ كۆزلىرىدە قوربىنچ يۇق.

- سېن مېنىنگ سلەم نى پىرگە اوردىنىگ ... سېن اولىشىنىگ كېرە ك اېدى.

- آتہ اونده ی دہمنگ! مہن عزمیمن قیتہ یمن! مہن مجبورمن ... ھېچ ایش اہتمہ گن من!

- بوندن باشقہ نیمہ ایش اہتماقچی اہدینگ ... مہنی پیر بیلن یکسان قیلدینگول۔ دہدی.

- یوق آتہ، اہندی اختیار اۋزینگیزدہ ... لہکن مہن اۋزنگیزنی پیرگن تریہہ نگیز و ایتگن سۋزینگیزگہ کۋرہ باشقہ ایش اہتماقچی من. مہن عزم و ارادہ مدن قیتہ یمن ... اہرکک کیشی قربان بولہ دی. یعنی کہ مہن اۋز یۋلیمن قیتہ یمن، بلکہ اۋز مقصدیم و مرامیمگہ اہریشماغیم کبرہک، منہ اورینگ آتہ! اورینگ کۋسیمدن! دہدی و مہرو قۋلیدن توتیب، ات تمان یورہ باشلہ گنیدہ آتہ سی قۋلیدہگی میلتيق اۋقی نی ضمیر ارقہسیدن اوزدی. ضمیر اۋق ضربی بیلن:

- واخ! - دپہہ ارقہ گہ قاییشیب قالدی. ضمیر اۋز ھدفیگہ اہریشدی. مہرو اۋزینی یلفوز قالگنینی اۋزیچہ عار بیلیب، ضمیر جسدی اوستیگہ اۋزینی تشلہ دی. لہکن ضمیرنینگ آتہ سی اہتگن ایشی حقیدہ اۋزیچہ ندامت و پشیمانلیک نی یورہ گیدہ اۋیلب کۋردی - دہ، میلتيق نی پیرگہ قۋیب، باشیدن عرقچین نی الیب اۋغلی نینگ جسدیگہ کۋزی تۋرت بۋلیب تیکیلدی و مہرو نینگ ھنوز ییغلب یاتگنینی کۋردی. بیرآزدن سۋنگ مہرو ضمیرنینگ آتہ سی تمان یوگوریب یقہ سیدن محکم اوشلہ دی:

- اہندی مہنی ھم آتینگ... سرسان و سرگردان قیلدینگیز!... آتینگ دہیمن، مہنی ھم اۋلدیرینگ!!! دہدی، بیراق او مہرو سۋراغیگہ جواب بیرہ آلمہ ی، جیم بۋلدی. او، ضمیر واقعا ھم حقلی اہکنینی پیقب، ندامت و اضطراب بیلن اۋزیندن توردی و کپلگن یۋلیگہ قرہ ب کپتہ باشلہ دی. آسمان اہندی گینہ آق سوتدہک بۋلیب، قویاش آلتین تالہ لری ھم ضمیر جسدی اوستیگہ آز۔ آزدن توشہ یاتگن اہدی.

مہرو ھم اۋزی نینگ یکہ و یلفوز قالگنینی توشونیب، ضمیرنینگ اہتگن فداکارلیگی اوچون باغ نینگ درختیگہ اۋزی نینگ آسیب اۋلدیردی... لہکن سہوگی لری اہدی قالدی. حقیقی دۋستلیک و محبت ینہ دہ اۋز مقام و منزلتی نینگ اصل ھدفی گہ اہریشتیردی. دہمک محبت نینگ ایکسی یۋلی بار: یا اۋلیم یا کہ کامیابلیک.

مقدس توپراغىم

اېرتە بىلەن تانگ اتىگن اېدى. خانچەھار باغ محەلە سىنىنگ پەخسە تاملىرى
 آرتىدىن قوياش نىنگ سرغە يىگىن و زغفران كىيىرىگى يىر قلىيگە
 سىنچىلردى. رمضان باشىدە گى اق تېرىلگى نى قۇلىگە آلىب قاقىشتىردى
 - يو، قىتە دن عادتدە گى دېك باشىگە اېگىرى قۇيدى.

او، تايى نىنگ آخورىگە كېچە گى كېلتىرگن اۋتىدىن بىر كۇتارىم نى اېلتىب
 تىشلەدى. ات دىمى نى بولب اۋت يېماققە باشلەدى و رمضان اېسە اۋزى
 ھەم اېرتىگ چايى نى سىرە اېتىش اوچون اويگە كېتىدى و بىر اۋزى
 سۇنگ، يەنە دە دلە گە كېتىش مقصددە اتنى اېگرلەدى. ات جودە دېوانە
 لىرچە مست و كىشىنب تورگن اېدى و ھەرلحظە دە قولاقلىرى نىنگ قىيىب،
 اوزاق - يىقىندىن، اۋتە دىگن اتلارنى كۇرىپ يۇلگە كۇزى تۇرت

رمضان ھەر اېرتە سى اتى نىنگ عادتدە گىدېك مېنىدى و ھىدە ماقچى
 بۇلدى، ولى اوزىنگى نى آياغىگە آلمەگىنى يادىگە توشدى. او درحال
 آياغىنى اوزىنگىگە اۋتكىزىپ، ات ھىدە شگە تيارگرلىك آلدى و قمچى بىلەن
 ات آرقە سىگە چۇزدى....

ات توياقلىرى يېرگە تېگىش بىلەن توزانلار بور كەلىپ چىقىردى، ولى رمضان
 ات اوستىدە داربازلاردېك تورىپ، ات چاپتىرىشە ھەم چاپاندازلارنىنگ آدم
 نظرىدە تېرىلتىرىردى.

رمضان تايى نى جودە سېوردى و ھەر زمان اويىدىن چىقسە، ات آخورىگە
 اۋزى نىنگ ھەر خېل يىخسى اۋتلردىن قورشىپ قۇيىگن اۋتىدىن يەنە بىر كۇتارىم
 نى بېرىدى.

شو اثتاده کوزی حویلی تمان آنه سیگه توشدی. آنه سی هم اونى کوزگج بوکيلگن بېلى نى تیکلب، اؤتمس کوزى بيلن اونگه قرهدى. بو قرهش رمضان اوچون يوره گيده قنده ی دیر سؤراغ توغديردى. او اوزیچه اؤيله- نیب قالدى و حویلیگه تامان يوره باشله دی. او یبرده آنه سی نیمه اوچون دیر اچینیب تورگنی نى کوردی.

او جیم - جیت. رمضان سېکین گینه آنه سی یانیگه باردی و ملایم لیک بیلن آنه سینینگ یبلکه سیگه قولى نى قویه توریب:
- آنه جان نیمه گه خفه کورینه سیز؟! دېگنیده، آنه سی قباقلری نى توشیریب:

- سېن آدمنى گپیگه قولاق سالمه ی سن! آتنگ نیمه دېب ایش بوپورگن ابدی. حال زمان هاریب - تالیب ...

رمضان درحال بو گپنى ایشیتیپ، آنه سیدن آته سینینگ نیمه ایش بوپورگننى سوره دی. آنه سی نیمه ایش بارلیگی نى اونگه ایتدی و او اېسه چققان چیقیب کبتدی و ارپه خانه نینگ سوپیریشگه باشله دی.
رمضان اېندی گینه اویى نى پاکلب کېلگج، اېشیک نینگ تق - تق تاووشی چیقدى. او تېز - ده ایشیکنى اجدی. قرهسه آنه سی ینه ده بیر نېچه تېوه غله کبتیرگن اېکن. او تېوه لرنى ایچکریگه اؤتکزیب، آنه سیدن ایلگری قاپلرنى بوشاتیشگه اوریندی....

رمضان ییگیرمه یاشیدهگی ییگیت ابدی و آنه سی بیلن هر بیر ییگیرمه سیرلیک قاپلرنى قولدر ابدی... او بوپچن راق و چارشانه دن کېلگن ییگیت، و همیشه ایش قیلیش پیتی میتی گینه کیر دؤپی سینى کییب، اوستیدن بېلباغ بیلن باغلهسه، اؤته ایشچن لیگی نمایان بؤلردی.
اوچمه سی اون تېوه یوکنى توگنینه بیر مرته هم نفس راحتلمه ی، هارس - هورس ایتمه دی، لېکن آنه سی اېسه خوددی سووگه باتگندېک تېر دریاسیگه چؤمدی و اؤغلى نینگ بو قدر ساغلام بؤلگنیگه قووانیب، خوددی کؤیلگی گه سیغمه گندېک بؤلدى.

رمضان اېسه تېوه لرنى سر به راه قیلیب کېلدى یو آنه سینینگ یانباشیگه اؤتیردی. کمپیر اېسه اېرى اؤتیرگنیدېک، بیر آفتابه سوونى کبتیریپ قؤیدى:

- رمضان جان نینگ آنه سی کبتیرگن غله نگیز قنجه بار دیر؟ دېگنده، اېرى جواب قه یتردی:

- چمه سى بىران يوز باتمان بۇلگن بۇلسە!

- يوز باتمان؟!

- ھە يوز باتمان! ھالى ىنە ھم خرمنى ميز بار! - دەدى خاتىنى گە او.

شو ائنادە بىر كىشى حويلى دېوارىدن ھاو لىققن قىافە دە:

- جامرد اكه!! ... ھى جامرد ...! دەپ چقىردى.

او چققان:

- منە باردىم!! دەپ سېس چىقىردى و اېشىك تمان باردى.

اېشىكنى اچگىچ، اېلمرادنى اېشىك ارتىدە تورگن كوردى.

- ھە اېلمراد؟ - دەدى.

جامرد حىرتلىنىپ اېلمرادگە اىز باستىرە دەدى:

- سېنگە خىر!

- خىرىنگىز بارمى؟

- نىمە دن؟ ايت قنى نىمە گپ بۇلدى!! - دەدى جامرد.

اېلمراد شاشىقىب نىمە دېبرى نى بىلمە ى:

- اولر!! ... اولر!! ... كېلدىلر...!! - دەدى، تىلى توتىلىپ او.

جامرد يورە گى سىقىلىپ كېتدى يو، نىمە دەپ ايتىرنى بىلمە دى.

شو ائنادە، بېش - ائسى ائلىق كىشى ات چاپتىرىپ كېلىپ، جزبە لى

تاووشدە:

- ھى مردم! ھى قىشلاقدە گى ادملر! بىرتىگ اوينىگدن چىقمنىگلر!! اگر

چىقسنىگلر، اوندە گىلە نى اوزىنگىزدن قىلىنگىلر!! - دەدى.

ھېچ بىردن ھېچكىم چىقمە دى. عكسىنچە محلە دن ائلرنىنگ توياغى و

جزبە لى كىشنىشى ادملرنىنگ ھىتلى سېسلىرى بىلان قۇشىلگن اېدى:

- ھمە نىگنى اۇلدىرە مىز. قىمىر اېتمنىگلر!! دېگندە بىر عىال نىنگ نالە سى

ھم چىقدى:

- وای قە بىردە سىزلر! قوتقەزىنگ مېنى ... وای مېن ولدىم!!.. بو تاووش

جامرد كۇنگلى گە ىمان تېگدى. خوددى جامرد نىنگ عىالى و يا يقىن بىر

كىشى سى كىبى مىە سىگە سىنجىلدى. بۇكىب اوپدن چىقدى يو جزبە لى

سۇرە دى:

- كىم سىزلر، نېگە بوندە ى بى معنى تاووشلرنى چىقرە سىزلر؟

شوندە بىر اۇق ائىلىپ، جامردنىنگ كۇكسى نى تېشىدى. جامردنىنگ عىالى

ھم بو حادثە نى كۇرگىچ اوپدن چىقىپ، قىغولى قلبى بىلان اېرى تمان

- رمضان جان! سىزگە يىزىلر تماندىن قول و قرار شو كە، اپندى دن باشلىپ اتحاد و اتفاق بۇلىلىك و ياولر تۇغرى سىدە بىرگە تاختىب مقدس آنە توپراق نى يىخسى اسرە شەدە بىرگە كورە شەيلىك!...

رمضان نىنگ كۆزلىدە ياش تامچىلىرى تامردى، خوددى آتە سى شو حاضر اۇلگن بۇلسە و غضبگە مېنىپ، آتە سىنىنگ قېرىگە بىر بار ايتىلدى - دە، ياولر و بوزمە كارلر نىنگ قىلگن عمللرى تۇغرىسىدە «اۇتگن كونلر» نىنگ فلمى سىنگرى نظرىدىن اۇتكىزىپ، اپندىدىن باشلىپ ياولر بىلن كورە شىپ، اوچ الىشىدە مصمم بۇلدى. او اۇزىچە دەدى:

- اي مقدس توپراغىم! بوگون آتمدىن ايرىلدىم، لېكن اپندى اېسە آنە وطنىم سېن اوچون كورەشەمن و ياولر نىنگدىن اوچىنگىسى االمىم قۇيىم !!! - دەدى يو قوم و اوروغلىرى بىلن حويلى سى تمان يۇلگە توشدى. رمضان اپرتە سى كورەش ميدانىدە ياولر بىلن گزە االىپ، مرد ميدان بۇلدى و تاشلر چۇقى سىدە تاغلرگە كۇكىسى تېگىپ، مقدس توپراغىنى اسرەى باشلەدى.

خانجھارباغ قىشلاغى - ۱۳۸۴ش

بىر عيال نىنگ اۋتمىشى

تانگ شىمالى تاغلار درە سىدن بېتىم گە يمان تېگىردى. چال اتم اېندى گىنە تاغدىن ھارىب - تالىب كېلدىلەر و جامە كارلارنى چىقىرىدىن مېن بىلن اۋتىردىلەر و بىر گېلاس سوونى اىچدىلەر. مېن اۋشە پىت اۋن ايككى ياشىر قىز اېدىم. مېن و اتم اىزمە - اىز اويگە كىردىك. اوگك اكم، عوض خان ھم اېندى گىنە اويگە كېلىپ مات و مېھوت اوى نىنگ بىر بورجىگىدە اۋتىردى. اتم اونىنگ صورتىدىن بىر سرنى سېزدىلەر - دە، تىنچ سىز بۇلىپ اكم گە ياووغلىشىپ:

- سېنگە نىمە بۇلدى؟ دەپ سۆزە دىلەر. اكم اېسە اۋپىققن دەپك غمچىن حالە:

- مېنگە ھېچ نرسە بۇلگن يۇق! دېيە قىسقە و عجلە بىلن جواب قەيتىردىلەر. ولى بو قىسقە جواب اتم نى بىراز اضطرابگە سالدى؛ زىرا عوض خان مىشلىرىنى قەھر و غضب بىلن بىر - بىرىگە اورردى - دە، خوددى اونىنگ يورە گىدە گى ياپىق سر عوض خان نىنگ قلىبگە سىغمە گندېك، اوى نىنگ بىر تمانىگە بارىپ كۆزلىرى قان قويمە بۇلگن حالە:

- آتە، مېنگە ھېچ نرسە بۇلگن يۇق! - دەگندە، كۆزلىرى قىپ - قىزىل بۇلگن اېدى. او:

- ولى نىمە بۇلدى؟ - دېيە وارخطا و قۇرقىنچ ارە لش اېشىكىدىن چىقىدى. مېن اېسە اتم بىلن انە شو يوز بېرگن حادثە ارتباطىدە فكر المشدىك. شوندى قندوز شەھرى نىنگ دشت برچى محلە سىدە بو گېلەر اۋازە و درۋازە بۇلىپ، ياش - قررى ھەمە يېردە اېشىتمە گن كىشى يۇق اېدى. اما كىم بو

بۇلگن قىزىگە يۈرەك كويدىرمە سىن؟ خلىص اۋشندىن سۇنگ زمانە
وضعيتى ھم تورليچە اۋزگردى.

بىزلر نىنگ حويليمىزدە قوم يىغىلىش لرى بۇلە باشلە دى. اتم نىنگ قىلمگە
سالىب اززانچە اوروب، سبە لب، بند زندان قىلدىلر. بىزلر نىنگ قوم -
اروغلر يمىز ھمە سى ھم قىلدى.

بو قىزىھ دن بىر اى اۋتدى. عرف يوزە سىدن مېنى قتل تاوانىگە
المشتىردىلر....

بىر كون ھوا عجب ياقىملى اېدى. ا سمان نىنگ اېنگ قوبى قىسمتلىرىدە
بىراز گىنە قرا نىل بۇياغى كىبى بولوتلر بىردن كۇتارىلىپ تورگندېك بۇلىپ،
سىم - سىم اېسە دىگن شمال ار قە لى بىراز تۇپىرلرنى تۇزدىردى. مېن
اېسە اتم بىلن خمىر قارىدىك. اتم اياق لرىدە ايسقىن و مجال قالمە
گودېك قىين لىكدە تشقرىگە چىقىدىلر. شو اثنا دە تاشدن بۇلگن دىوارلر
ار قە سىدن اوچ - تورت كىشى مىلتىقلىكلر كۇرىندىلر. بىرتە سى اېسە
اۋغرىن گىنە تاش دېوار اوستىگە بۇكلب چىقىپ، ايزىدن ىنە بىر كىشى
كۇرىندى. بىرازدن سۇنگ كۇپە يىب قالىدىلر. ھمە سى طالب اېدى.
اولر نىنگ اق - قرا سلە لرى تىزە لرىگە توشردى. مىلتىق لرى ھم قۇللىرىدە
و قطار اوزمە لرى بېل و يىلكە لرىنى ھىپتىلى بىزە گن اېدى. مېن اولردن
وحشت اېتىردىم. بوتون وجودىم گە بىر تور تىترتمە و دەشت كىردى. شو
اثنادە اېشىك نىنگ تق - تق تاووشى چىقىپ، بىر كىشى وارخطالىك بىلن:
- اېرگش!... اېرگش! - دېدى.

مېن اۋز بېرىمدە تىككە قاتىب قالىدىم. اتم اېسە بارىپ، اېشىك نى اچدىلر.
بىگىر مە دن ارتىق طالب حويليمىزگە ھجوم اېتىدىلر. و اتم نىنگ قۇللىرىنى
ار قە گە باغله دىلر. مېن بوتونلى اوچردىم و اۋن ايككى ياشر قىز بۇلسم
ھم باشىمدن چىققىنىگە تن بىردىم. بو واقە نى كۇرىپ، يۈرە گىم يارىلگى
دېك بۇلدى. كۇزىمدن ياش تامچى لرى مىززە - مىززە تامردى. اياقلىرىم
اچىق، ساچلىرىم ھم بوزىلىپ قالىدى. داودىرە ب يىغلىردىم.

شوندە طالبلرگە قۇشىلگن جمە باى نىنگ تخم و تىجىدن بىرى، مېنىنگ
ساجىمدن محكم اوشلب، مىلتىققە اۋق سوردى. حويلى اۋرتە سىدە كۇپ
طالبلر يىغىلگن اېدى. مېن يىغلىردىم. بىر ازدن سۇنگ، اتم نى ھم قە
بىردن دىر قۇللىرى باغلىق الىپ كېلدىلر. باشلىرى يارىلىپ، قان لرى

بەتلەردىن ا قىب، خوددى قىزىل بۇياغكە چۈمىرگىندەك بۇلىب، يىغلىشىب تورگن طالبلر اۋرتە سىگە اېلتىپ قۇيدىلر.

او يېردە سكوت حاكم اېدى. لېكن طالبلر نىنگ ھردايمكى تېلىغ لرى اۋشە يېر فضا سىگە يىنگرە ب دەشت و قۇرقىنچ ترقتردى.

شو ائادە اولر نىنگ اق سلە اۋرە گىن كاتە كانلردىن يىرى، قۇباللىك و قوقىمە لىك بىلن اۋرنىدىن تورىب، اوز تىلىدە سۈزلە ى باشلە دى:

- جىمە باى نى اۋلدىرگىن، عوض خان نى نېگە قاچردىنگ؟ - دېيە قرا كېىل بىلن بىر نېچە كېىل نى باشىمگە اېندىردى.

مېن بىر بىر يىغلە ى باشلە دىم. يەنە بىرىسى مىلتىق بىلن يىستە دى و شو كېى زىندانگە توشدىم. كېچە اوستىمگە بىر قىامت بۇلدى. بىر اغىز نان و

بىر پىيالە سوو تاپىپ اىچىش مېنگە جودە قىمىن اىش بۇلدى. كۈزلرېم اطرافكە تۇرت. ھېچكىم مېنىنگ دادىمگە يېتىپ كېلمە دى. بىر اوگك

اىم بۇلسە ھم اۋشە كۈن چىقىپ كېتىگىن اېدى و اېندىدىن كېلمەيدىگىن بۇلىپ قالگىن اېدى.

مېن اۋشە كۈندىن سېنگ ائە نىنگ دىدارىدىن محروم بۇلدىم. ساعت اۋن دە مېنى بىر طالب بىلن بىر اويگە الىپ باردىلر. الە قنچە طالبلر او يېردە

يىغلىگىن اېكن. بىرىسى نىنگ قۇلىدە اوزون تىسمە و بىرى نىنگ قۇلىدە اېسە قىتىق قرا كېىل.

كېىللى كىشى نىنگ كۈزلرى قىپ - قىزىل، قان قويمە اېدى و اوزون سقاللرى نى سىلپ، مېن تىمان ھىيتلى قرە ب، مزە نىپ قۇلىدە گىى برق

سىمى نى بولب ادى - دە، بىر كىلتە بۇىلىك ادم نى كۇرساتىپ: - اېندى سىنى، شو ادمگە قۇشە من! - دېدى.

مېن اېسە قاطغانە ايتدىم: - مېن اونگە تېگمە يىم! اونى قبولىم يۇق! بىراق ھېچكىم سۇزىمگە

قولاق سالمە دى. او ادم نىنگ گلاب الدىن دېىراېكن لر. او بىر يات كىشى اېكن. مېن يىنە دە يىغلب:

- يۇق! يۇق!... دېگىنىمدە، يىنە بىر كىشى قوقىرتاغىمدىن محكم بۇغدى - دە، ھارىگونچە اززانچە سېلە باشلەدى. اصلا مېن و اېر قىلىش، روز و

روزگار توتىش اوزىمچە قىين. و سرانجام مېنىنگ دادىمگە بىرار كىشى ھم

قولاق سالمه دى. برچه قولاقلر مېن اوچون ياپىلگن اېدى. شو سىبىلى
 گلاب الدىن مېنگە زۇردن - زورغە اۋشە كوندن بويان اېر بۇلگن اېدى.
 گلاب الدىن، مېنىڭ ايزىمدن ھمىشە و ھر كون پايلب - بېكىنىپ يورردى
 و ھر نرسە نى بەھانە قىلىپ، كونىم بىر بۇلسە، تياغلىشىم مېنگ اېدى.
 مېن خوددى كۆزى باغلىق قوش سىنگرى قە بېرگە بارىمنى و قە بېردن
 كېلگىم نى بىلمىدىم. مجبوراً پېشانىمدا چىققىگە تن بېرىپ توردىم.
 شوندىن سۇنگ او مېنى يات ملك پاكستانگە اېلب كېتدى. بىر نېچە
 كۈنگچە جودە قىين چىلىككە قالدىم - دە، شو كى كۈن كېچىر دىم.
 قىين ائم، ھمىشە مېنى اچىغى چىققىدىن، جمعه باى اۋرنىگە كېلگن سن!
 دېھ قىندردى.

مېن بىر كون ھمە بېرلرنى اۋىلب كوردىم؛ ولى ھېچ بىر ايش قىلىشگە موفق
 بولمە دىم. اما گلاب الدىن نىنگ از فرصت اويدە يۇقلىغىدىن فايده لىشىم
 خىالىمگە كېلدى. قوشنىلرىمدىن حىبب الله ناملى كىشى عايلە سى بىلن
 بىرگە كىم قنچە قىين چىلىكلر چىكىپ، افغانستان ملكى بۇلگن اندخوى
 شھرىگە كېلدىم. كېلگن كېچە مېز اۋشە بىر عىاللرى بىلن بىرگە اېدىم.
 افسوس كە شرايط كۆپ يمان اېدى. بىر ملكدە سۇراغ بۇلمسە، يشا وچىلر
 ھم عذابگە قالر اېكن، اينىقسە مېن كى عىال كىشىگە. عىاللر بىرى بىر
 ھمىشە غرضلى انسانلر بېمىشى بۇلگن. انسانىت و انصاف دېگن توشونچە
 سى عىاللر تۇغرىسىدە ملك سقلا وچىلرى ھم رشوت و پارە خۇرلىك بىلن
 انسان نامى نى اونوتىنلر. بوگون ھمە شوندىكى چكىن نرسە لرنى پول اۋز
 حكىمى استىگە اَلگن. شونىنگدېك، حىبب الله ھم اۋشندە غرضلى
 كىشى اېكن. كېچە نىنگ بىر پىتىدە او ھم مېنىڭ قۇرقىتماقچى بۇلدى.
 ولى مېن عىال لىگىمدىن دفاع قىلىپ، قرانغو كېچە دە قە بېردن دىر بىر
 بېچاق واسطە سى بىلن حىبب الله كۇكسىگە اوردىم و حويلىدىن چىقىپ
 كوچە سارىگە قاچدىم. شو ائنادە كىم دىر بىر مىلتىقلى كىشى نىنگ جىزبە
 لى تاووشى ايشىتىلدى:

قىمىرلەمە! كىم سن؟ دەدى بىر عىسكر.

شوندىكى مىلتىق نىنگ شقىر - شقىر تاووشى قولايىم گە كىردى. مېن جىم
 - جىت، اۋزىم نى اۋشە بېردە گى اېسكى دېوارگە بېكىتتىردىم. شوندىكى
 ھم بىر عىسكر نىنگ قھر ارە لىش سېسى مېنى قۇرقىتىدى:

سقرات

تاش، سقرات نىنگ يالىنى سىپەلب، تېورەك - اطرافىدىن ايلنىپ كۆردى. ات مست و دېوانە وار بۇلىپ آسمان سارى بوكلب سويلردى يو بورنى نىنگ يازىق پرە لرى بىلن كۇچە دن اۋتە دىگن اتلر توياغى نىنگ تاووشىگە قولاقلىرىنى قىيىپ كىشنىب، يورەك النگەسى نىنگ آغزىدىن چىقردى.

تاش ھردايم سقر نىنگ سووى و سىلى، ارپە و سمانىدىن خىردارلىك قىلردى. اونىنگ قرە شىغىگە ماس كېلگن ھرنرسە نى يىرىنمىسدىن بچىردى. او، نە فقط بوگون، بلكە كېچقورون پىتلردە ھم اۋن ايكىسى اى اتى اېدى يو خلاص.

او كېلىشگن، گاودە سى تاغدىن كېسىپ الگندېك اېدى. يىگىت ليگى يىگىتلردن ارتىق اېدى.

او سقرنىنگ جان و دلدىن كۇپراق سېوردى. او نىنگ اوستىگە مىنگن كىشى ھم ذرە چە يېرگە توشە سى كېلمە سى، يورغە و سوزون قىلملرى ھېچ بىر ات نىلىدىن چىقمەگن. تاش تۇرت يىل ايلگىرى اتە سى جۇرە تاغە نىنگ كۇپگە قوشدى و قىرىپ كېلە ياتگن بىر گىنە كىمىر انە سىدىن باشقە بىرارتە كىشى سى يۇق اېدى. او اېرتەلب سقرگە نماز و قىتدە سمان بېرىپە جول - چىندە لرىنى يىنگىلدىن تۇغرىلىپ سالىدى - دە، سطل نىنگ سوودن تۇلدىرىپە ات نىنگ لۇنگىگە پىتكىزىپ قۇيدى. چونكە او ات، اتە

سیدن قالگن مېراث بۇلىب، اونىنگ يخشى كۇرىشى ھم انە شو سېبدن اېدى.

تاش بىر كون عادتدە گىدېك سقرنىنگ اېگرلې ساودىرماقچى بۇلىب، كۇچە سارى موزون قىلمىرى بىلن ھىدەى باشلەدى. ات آسمان سويلىب، پرنده لرنىنگ پىرلش لرى بىلن بىر آز اوچىپ توشردى. تاش سقرنىنگ يوگىندىن محكم اوشلېب، اوستىگە مېندى - دە، آتدىن يىقىلمەى ھىدردى؛ زىرا ايككى كوندن كېين جمعە كونى كېلدى و تاش ھم اۋشە كون سقرنىنگ اۋغلاق باشلنگىنچە ميدانده اعضاى بدنى، اياق و بېللىرى نى قىزىشتىردى. دېمك سقر اۋشە كونى سىناو - امتحانگە بارردى.

كون و تون اۋتدى. جمعە كونى اتلر اۋغلاق ميدانىگە كېلگن اېدىلر. ھرتماندىن اتلرنىنگ سېسى قولاقلىرگە سىنجىلدى. ميدانگە يىغىلگن خىلايق ھم اۋزلرىدىن بىر كتە دايرە و يىغىلىش نىنگ تشكىل بېرىپ، خىلايق غالمە غالى و اتلرنىنگ مستانە وار شىحە لرى اۋغلاق ميدانى فضاىدىن اېشىتىلدى. آدملىر اېسە اۋغلاق نىنگ باشلنىغىچ لىحظە لرىنى كوتىر اېدىلر. ولى لودسپىكىردن چىققن يورەكنى سىتوۋچى تاوۋوش اۋغلاق باشلە نىشىدىن خىر بېرىپ، اولوسگە ايتدى:

- قوملىر، ايناغە لرا! اۋغلاق باشلنە دى، التماس ميدان نى كېنگى تېرىنگلر!
تاش نىنگ اتى ميدانگە كېلگن اتلر اىچىدە مىلسىز اېدى. اتلر اۋزلرى نىنگ ارادە سىزلىك قىافە لرى بىلن آرام تورمىسىدىلر. اۋچك ميدانگە تشلندى. اتلر ھمە سى اۋچك تىمان يوگوردىلر. چاپ اندازلرنىنگ قىمچىلرى اغىزلرىدە تىشلىنگن اېدى. ھرقىسى لرى اۋچككە قۇل اوزاتە آلمەى، قۇللىرى بىرار قتلە ھم اۋچككە تېگمە دى. تاش اتى اۋچككە يقىنلىشمە گندە بار - بار اۋنى قىمچى بىلن اورردى. قھەر و غضب چاپ اندازلرنىنگ يوزىدىن سېزىلدى. تاش نىنگ سقر اتى كۆپ تلاش و مشقتلر بىلن تىقىمگە كىردى - دە، اۋچكنى جور تىمانگە آلىپ باردى. چاپ اندازلر سقرگە مانىلىك قىلدىلر. شوندا سقر ھم اتلردن اۋستونراق چىقىپ، چىدىرىنى چۈزە باشلە دى.

اۋشە كونى اۋچكنى تاش اتى سقر كۇپراق يىردن كۇتردى و ھمە نىنگ تۈجە سىنى اۋزىگە تارتدى.

تماشاچیلر ھنوز تورمەگن. یارمحمد محلە نینگ اېنگ پولدار آدملىرىدن بۇلىب، تاش نى اۆز حضورىگە چقىردى. گۇيا سقرات اونىنگ يوره گىدن الگن اېدى.

تاش ھنوز جامە كارى نى چىقرگن يۇق اېدى كە، يارمحمد حضورىگە كېلدى. ات بۇيىنى نى آسمان سويلە تىب، اغزىدن چىققن كىسى بىلن اغىزلاغىنى چىنب، چراغ پاىە بۇلىب، آنده- سانده كىشنب قۇيردى. يارمحمد ھم پۇستىنى نى يىلكە سىدن توشگنى قۇيمە ي، كىسە سىدن بىر بندل پول چقارىپ تاشگە بېردى. تاش اېسە پولنى المەدى- دە حويلى سى تمان ات بىلن يۇلگە توشدى.

ساعت سكىزده فارم و ياقىملى شمال توريپ، يارمحمد بېتى نى ھم انه شو ياقىملى شمال سىلە دى.

يارمحمدنىنگ يگانە عاشىققن نرسە سى او ھم سقرات اېدى. يارمحمد تىنگ بوتون وجودى سقراتگە باغله نىپ قالگن اېدى.

بىر كون يارمحمد يانباشلب، آشنا و برادرلىرى بىلن ات بارە سىدە سۆزلاماقدە اېدى. چىلم نىنگ قرە توتونىنى فضاگە پوقلب بىباردى- دە، شېرىنە (شېرنظر) تمانگە قرە ب:

- اتنى قنچە پولگە بېرر اېكن؟ گىپىر قنى شېرىنە! دېدى.

شېرىنە اۆزى نىنگ جىلمە راق دۇبى سىگە تىققن اېدى، يارمحمدگە قرب:

- يارمحمد باى، بىلە من كە اتگە خوشىنگ كېلگن. ھمە دن اول اتنى

اۆزىنگىكى قىلماقچى بۇلسنگ تاش نىنگ يوره گىنى ال! دېدى.

شو ائادە تاش اولرنىنگ اختلاطى اوستىگە كىرىپ كېلدى. گپ شو بارە دە

يازىلىپ قورتىلدى. تاش ھم كۇرپە چە اوستىگە اۋتىردى. شېرنظر بىر

گېلاس چاينى اونىنگ اونگىگە قۇيدى. يارمحمدنىنگ ھم بوتون كۈنگلى

سقردە اېدى. ولى اصل سۆزنى تاش حالى اېشىتگن يۇق. يارمحمد تاش

گە قرە تە:

- قە بېردە سن؟ كۇرىنمە يىسن- كو؟ دېدى.

- مین ھم بار من، اۆز ايش و کوچىم بىلن! دېب قۇيدى.

يارمحمد يەنە قە يتىرىپ سۆرە دى.

- شو بىلە لر نىمە ايش بار؟ بىرار غرىپچىلىك تاپىسنگ يمان بۇلمىدى -

كو!

- اۋزىمگە لايغ ايشىم بار، يارمحمد اكه! بىر ات و بىر مېن! دەدى، خورسنىب يارمحمدگە.

ات دېگن سۆز يارمحمدگە جودە ياقىب، يارمحمدنى عجايب بىر دنيا و بىرگۈزەل عالمگە ائىب كېتگندېك بۇلدى و رندانە ھېچ نىمرسە دېمە دى و يلفوز:

- خىر ايش! ... دەدى و ينە تۈصىيە قىلدى:

- ات نى يخشى باققىن تاش، آتىنگ جودە يخشى نرسە بۇلماقده!

تاش، يارمحمدنىنگ سۆزىنى تىنگلب، بىر يول گىپردى:

- اۋزى ھم، دنيا دە بىرگىنە آتىم بار-كو! دەدى تاش.

چىندن ھم ات سۆزى يارمحمدنى اۋز ايچىگە قرە ب الگن و اونى يخشى كۈرگنى باعث، سقرگە اېگە بۇلىش اونىنگ اساسى مقصدى اېدى. ينە بىر يىالە چاينى اونگە بېردى و كېين مېھربانلىك قىيافە دە:

- ھرقچان ايشىنگ بۇلسە، مىنگە امر قىلگىن! راستى تاشى، سېن اويلندىنگ مى؟ دېب سۈرە دى.

شوندە تاش باشى يىگىگ حال دە جواب قىلدى:

- يۇق، مېن ھنوز اويلنگىم يۇق... و ينە خورسنىب دەدى:

- غرىبلىكدە ھم آدم اويلنە آلەدى مى؟ بىرقررى ائم و اۋزىم من! ولېكن برچە سرمايەم "سقر" - كو! نېگە كە او ائم دن مېنگە قالگن بىر مقدس مېراث اونى ھرقنچە بۇلسە ھم يخشى اسرە شىم كېرەك!

- رى اورمە تاش، مېن ھم سېنگە ياردم لشە من ... سېنگە بىرار بېردن اۋزىم قىز تايىب بېرە من! قۇى سېنىنگ اېشىگىنگ اچلسىن تاش جان! دېگندە شېرىنە ھم بىرياندن اونگە قوپسە بېردى.

- يارمحمد باى تۇغرى ايتە دىلر. تاش اۋغىل، بوكىشى بىر غرض سىز آدم سېنى پردنگنى قىلە مېز! بوگپ تاش نىنگ يورە گىگە باتدى و يوزى بىراز اۋزگرگندېك بۇلدى، اما رندانە اولرگە قرەب:

ياردم لرىنگىزدن تشكر! دېيە اولردن اوزاقلشدى.

اۋچ كوندن كېين ساعت سكىزدە ھوا اونچە لر قىزىمە دى، فارم و باقىملى شمال ايتە الگنچە اۋزى نىنگ طبيعى قۇللىرى يىلن سىلردى. اما بو شمال يارمحمد بېتىگە ياقمە دى. او اۋرتىدن تورىب طبيعت نىنگ اېنگ چىرايلى تصويرلىتېب، عجايب ھنرى يىلن نقاشلىك قىلىتگن منظرە لرنى تماشا قىلدى.

شوندە شېرىنە بىلن تاش نىنگ تاغە سى جرار اكه هم ايزمه - ايز يارمحمد
 حضورىگە باردىلر. يارمحمد هم اولر نىنگ كوتىب تورگندى. كۆرپچە
 اوستىدن جاى بېرىپ بىر گېلاس چاينى هم اولر آلدىگە قويدى. يارمحمد
 اچىق كۆنگول و يازىق چەرە بىلن جرار اكه گە قرە دى:

- خوش جرار اكه! قندەى بۇلىب كېلدىنكىز؟

- اي يارمحمد اكه آب و دانە تارتدى - دە! دەدى و ينە، سىز نىنگ اگر
 ايشىنكىز بۇلسە ايتىنگ! دەپ قۇشىمچە قىلدى.

- ايشىم يۇق. بىرار خىر ايش قىلە يلىك جرار باي! دېگندە جرار اكه سۇرە
 دى: قندەى خىر ايش ايتماقچى سىز؟

- مېن جرار اكه، بىر ايشگە قۇل اورماقچى بۇلدىم. شايد اۋزىنكىز هم انگلە
 گن بۇلسىنكىز. بىز تاشگە بىر قىز تاپدىك! جودە يخشى خانداندىن بۇلە دى -
 دە! او سۇزىگە ينە ادامە بىردى:

- سىز انە شو خىر ايشگە ياردملە شىنگ. تاشنى ايشىگى هم اچىلسىن!
 دەپ قويدى. جرار، يارمحمد نىنگ سۇزىدىن هېچ نىمە نى انگلە مى، فقط
 بىرگىنە اچىق و صاف كۆنگول بىلن اولرگە سرداش بۇلدى و گېلر سۇنگىدە
 ينە ادامە بىردى:

- مقصد، قرى كمپىر بىلن گېلە شىنگ! دەپ، جرار اكه ايشىكدن چىقىپ
 كېتدى.

بوكون شمال تورمەى، كمپىر انە نىنگ قۇل تىكىووى هم قوچاغىدە اېدى
 و كمپىر انە او كەسى جرار نىنگ كۆرىشى بىلن، قوچاغىدە گى تىكىووى
 سىيرىلىپ بىرگە توشدى. كمپىر اۋرنىدىن توريپ او كەسى يانىگە اۋلتىرگن
 چاغدە جرار، تاش نى سۇرە دى:

- قنى تاش، قە بىرگە كېتدى؟ كمپىر ايتدى:

- تاش هم بار! كۇچە تمانگە كېتگن شىكىللى.

- تاش گە نىمە ايشىنگ بار؟

- تاش گە ايشىم بار اېدى!

- نىمە ايش؟

- جودە يخشى ايش. مېن تاش نىنگ ايشىگىنى اچماقچى من! دېگندە
 كمپىر نىنگ قولاشى اچىلگندەك بۇلىپ كېتدى:

- واي! جرار جان لو كە، جودە يخشى گپ - كوا قنى اېدى كە سېن شوندە
 ي بىر ايشنى قىلسىنگ!

جرار آپہ سیگہ قرہب:

مقصد انہ شو خیر ایشنی قیلسنگ آخرتینگ ثوابی بؤلہ دی - کوا تاش کبلسہ ہم شونگہ موافق بؤلسین. مہن اہسہ، دہب یارمحمد حویلی سی تمان بؤلگہ توشدی جرار.

یارمحمد حویلی سیدہ ہمیشہ گی دہک شہرینہ (شہر نظر) جرار اکہ، بای خان و شونگہ اؤخشش دؤست و اورتاغ لریدن جمع لشگن ابدیلر. یارمحمد نینگ خوددی ایاغی پیرگہ ایلمہ گودہک توی نینگ بؤلشیگہ جودہ قووانردی. شاید اونینگ قۇرقینچی اوزیچہ نیمہ اوچون دیر. اگرده باشقہ تورلی گپ بؤلگندہ اہدی، تاش بیلن نیمہ قرینداشلیک بار بؤلسہ؛ اما ہیچ قرینداشلیک یوق. شاید ہم ات تۇغری سیدہ جودہ قووانردی. اونینگ چین یورہ کدن ایته دیگن گپی نیمہ؟ او بیر سۇراق. شاید سۇراق ہم اوزیچہ حل بؤلگن اہدی.

شوندہ ہمہ لری بیر پیرگہ ییغیلیب، اہنگ اساسی نرسہ گہ قانع بۇلدیلر. یعنی توی دن تاشنی خبری بؤلسمہ ہم اونینگ بجرماقچی بۇلدیلر. شو بیردہ اولرگہ مہمی شو اہدی کہ زوردن می یا زاریدن می، تاش نینگ تویی نی قیلیش اہدی.

اولر نینگ ہمہ لری موترگہ مینیب، ساوچی لیککہ جۇنہ دیلر. شریف تاغہ توی اہگہ سی اہدی. او ہم بېش - تۇرت کیشی بیلن حویلی سینینگ ہمہ پیری و تېگرہ گینی پاکیزہ قیلدی. بیر آزدن سۇنگ چای - مای ایچیلیب، گپلر ایتیلیب، توی با شلنماقچی بۇلدى. صحبتدہ، یار محمد بای تمانیدن قنچہ پول کمک قیلینسہ، قبول قیلینسین، دہب فیصلہ بۇلدى. و پول ہم بېریلدى و مسجد ملا امامی نینگ تلاوتی بیلن صحبتلر توگہ دی.

ہوا چنگاو کۇرینردی. شمال پیردہ گی توپراقلر نینگ قہ پیردن دیر اۇزی بیلن ساوریب، یارمحمد بای بیلن شہرینہ و ینہ باشقہ بیر نېچہ دؤستلری بیلن دسترخوان اوستیگہ اۇتیرگن اہدی. شو ائنادہ یارمحمد خورسندلیک بیلن اچیق قیافہ دہ شہرینہ گہ قرہب:

- آفرین، یشہ! تاپگن پلانینگ بیلن. اہندی کو شاید سقر جان قۇلگہ کبلسہ.

جرار اہسہ اہندی گینہ تاش نینگ تویی موضوع سینى آپہ سیگہ ایتیب بجرماقچی اہدی. لېکن اولر نینگ وضعیتی دن اونچہ لرکہ تاش بیلردی.

باشقه لری بيلمسدى. چون جرار تاغه هم گپدن خبردار اېدى، لېكن او عادتده گېدېك يارمحمد باي نينگ پول و بايلىگى اوچون اچىق گپى نى هم يايىپ قۇيردى.

ولى تاش اۈزى نينگ مېرائى بۇلگن سقرات اوچون همه نرسه دن كېچكن اېدى. دېمك مېراث هم مقدس. معلوم اېمس كه يارمحمد اۈز هدفى گه ماس توشر ميكن يا خير؟ شونينگ اوچون هم شريف تاغه بيلن بۇلگن ايش حقيده كۆپ اويلاهدى. اۈزىچه يوره گيده بيرگپنى سر قىليب يايىپ قۇيدى. آسمان تۇله بولوت، لېكن قيمير اېتمه ديلر. كېچه نينگ قرانغولىگى اوزاقراقده گى كيشى نينگ كيم ليگينى بيليشگه مانع اېدى. شېرىنه باي باشقه بير نېچه كيشى بيلن شريف تاغه نينگ حويلى سيگه بارماقنى ريجه لشتيرىپ، يۇلگه توشدیلر.

اولر بېش كيشى شريف تاغه نينگ دېوارى اوستيدن حويليگه كيردیلر. اۈشه كېچه شريف تاغه قه پېرده دير مهمان اېكن. اوويده اېسه شريف تاغه نينگ تاشگه نامزد بۇلگن قيزى هم انه سى بيلن بيرگه ياتگن اېدى. شېرىنه درحال اۈزى نينگ تانيشتيرمه ي، قيز نينگ اياغى تمانيدن بارىپ تورغيزدى. قيز وارخطا بۇلىپ، تىلى توتىلىپ هېچ نرسه نى گييره آلمه ي، كۇزلىرى شېرىنه گه تېرمولېپ قالدى. شېرىنه چققان ليك قىليب قيز نينگ آغزىنى قىسىپ: سېسىنگنى چيقارمه، مېن تاش من عزيزيم! تاش من! دېدى. او تاشنى بدنام قىلىش مقصد ده شونده ي قىلگن اېدى!

شونده قيز گييره آلمه ي قالدى - ده، انه سى كېچه نينگ سكوتى نى اۈز شاوقينلرى بيلن بوزدى. او نينگ هېچ كيم تانيمه دى و قيزنى هييتلى سېسى اولر نينگ قاچيردى يو انه سى هم كۆره آلمه دى. بو اوازنى همه اېشتگن اېدى. قيز هم كون - ساين گييره آلمه ي شو سببلى تاش هم زندانگه توشدى.

شريف تاغه هم ايشيتگن اېدى و بو بدنامليكلر همه سى اونينگ پوش و پرده ده تورگن اولادىگه نسبتاً يلفان بۇلسه ده ضرر قىلردى، شو باعث تاش حويلى سيگه باردى. جرار اوويدن چيقدى و شريف تاغه بيلن سۆزگه كيردى.

- مېن سيزگه چين يوره گيملن چيقه ديگن سۆزىم نى ايتماققه كېلديم!
- او نيمه سۆز شريف تاغه؟ اېندى سيز و بيز نينگ اۈرته ميزده بيرار يايىق گپ بۇلمسليگى كېره ك!

شریف تاغہ اہسہ آوازہ بۆلگن گپ ارتباطیدہ ینہ ایتدی:
 - سیز و بیز قودہ - آندہ بۆلسک، تاش نینگ ایتگن ایشی ھېچ کتابدہ
 یوق. او مہنینگ کییاویم بۆلہ توریب، بو گپلر نیمہ رقم سۆز، بو آوازہ گہ
 مہنینگ طاقتیم کبلمہ یاپدی - کو؟
 جرارباي تاش دن حمایہ قیلگن قیافہ دہ قاطعانہ ایتدی:
 - بیزلر ہم انسان میز شریف تاغہ... ایز آیاغمیزگہ تہگہ دیگن تہشہ نی
 یخشی بیلمیز!

اوندہی چکین دشمنانہ گپلرنی یاولر سۆزی دہب ایشانینگ. یاولرگہ یؤل
 بېرمسلیگیمیز کبرہک.

- یوق بیزلر بیلن حسابنی تصفیہ قیلینگ. اہندی سیزگہ بېرہ دیگن
 قیزیمیز یوق! دہدی شریف تاغہ.

اویدہ سکوت حاکم بۆلدی، ھمہ بېر جیم - جیت. کمپیر آنہ اؤغلی نینگ
 زندانی بۆلگن پیتدن بویان، نان و آش ییمی ییغلردی.

جرار باي آپہ سینینگ حضوریدہ یوزی بېرگہ اہدی. کمپیر آنہ ینہ - دہ بو
 آننی تارتیب مہنینگ حقیمدہ سہن ایتدینگ! ایناغم بۆلہ سن... تاپیلما ی
 کبتگین! دہبہ آقہ یاتگن کۆزیاشی نینگ رومالچہ سی بیلن آریتدی. جرار
 موم و لال اہدی و بېراغیز سۆز گپیریش گہ اوندہ حال قالگن یوق و آپہ
 سیگہ یکہ چراغ اؤغلی تاش ارتباطیدہ قہ بېرلرنی قیدیریب، اۆزیکہ یاردم
 چی تاپیش دہ کۆچہ تمان یورہ باشلہ دی.

تہشہ باي، تویمراد بیرتی، اؤغیل گہلدی و شولرگہ اوخشہ گن بېرقنچہ
 یاش اولوغ لرنی اۆزیکہ سېردہک بیلدی و اولرنینگ بېر بېرگہ ییغنہ دی.

اریکین چراغی اؤرتہ دہ یانر اہدی. دسترخوان نینگ او بېر - بو بېریدہ
 اونچہ - مونچہ قاتیق گینہ نان لرہم تشلہ نگن. تہشہ وای پیالہ سیدہگی

چاینی قۆلیگہ آلیب بېر اوپلہ دی - دہ، جرار اکہ گہ قرہب:

- خۇش اہندی نیمہ قیلماقچی سیز؟ دہگن پیتدہ جرارباي ایتدی:

- لېکن قرری آنہ سی کو بیزنی تیندیرمہ یدی.

تویمراد بیرتی ینہ سۆرہ دی:

- جرار باي، اصلیدہ تاش نیمہ دېر ایش قیلگن اۆزی؟ بیزدن اگر سۆرہ
 سنگیز، تاش اۆزی اویدہ اہدی. کبچہ و کوندوز ھېچ بېرگہ بېر دقیقہ ہم

کبتمہ گن... بوگپلر بېر بہتان دېر و کیم نی قورشہ گن ایشی لیگینی
 ہم بیلمہ من...

- اوندهى بۇلسە ايش اسان و درراو بارىب حكومتلىكدن چىقارىب كېلە مېز!
دېيە، فاتحە و دعا قىلىپ اويدن چىقىدىلر.

اېرتە يىلن كىمپىر آنە ملا اذان اويقودن توريب، سقر نىنگ آخوريگە بىر سېد دورشته نى كۇتارىب بارىب تشلە دى. ات اېسە تاش بندى بۇلگىندن بويان اونچەلر خوشحال اېمس اېدى. كىمپىر آتگە كۇزى توشگىچ، اۇغلى تاش يادىگە كېلىپ يورە ك النگە سى كۇزىدن سوو بۇلىپ تامردى. لېكن جرار اېه سىگە گىپىرمسدىن ملا اذان اويدن چىقىپ كېتدى. آنە خان نىنگ كۇزى تۇرت اېدى.

بوگون مكممل اۇتدى و جرار اقشام كېلمە دى. كىمپىر اېسە بوكىچە نى يالغوز اۇتكزماقچى اېدى. شونده بىر سېس اېشىتىلدى. لېكن آنە سى او سېسگە فكرى بۇلمە ي قالدى. اونگە چە تاش اېشىكدن كىرە ياتىپ:

- آنە جان مېن كېلدىم! دېيە اويگە كىردى و شونده كىمپىر آنە قەبېردن دېر قۇلتىغىگە قوش كىرگن دېك بۇلىپ، يوگوريب اۇغلى تاش نىنگ بۇيىنگە آسىلدى. كۇزى ياشى مرواريد تاشلرى دېك تامردى.

- اۇلە ي سېنگە! اۇغلىم كېلىپ قالدىنگ مى؟ ينە هم سېنى كۇرە ر اېكن من! دېيە، يىغلە ي باشلە دى. ولېكن تاش مردانه لېك يىلن آنە سىگە قرە ب:

- آنە جان، يىغلە منگ! مېنىنگ پاك و گناه سىزلىگىم ثابت بۇلدى. مېن آزاد بۇلدىم و كىم يمان و كىم يخشى لىگى همه گە عيان بۇلدى! - دېيە، آنە سىنىنگ بۇيىدن قوچاقلە دى.

اېرتە لب سقر تاش نىنگ قۇلىدن بىر سطل سوونى اېچىپ، يىلدى كە بوگون اېگە سى اونىنگ قرەشىغىگە كېلىپ قالدى. شونده، دۇست محمد كۇچە لىكلرىدن بىرى بۇلىپ، اونى كۇرگنى كېلدى و مېر ارەلش قوچاق اچىپ كۇرشىگىنچە:

- دشمنلر نصىبى بۇلسىن ... نىمە و قنده ي گېلر بۇلىپ قالدى؟

- اى آشنا! تقدىر قسمت اېكن، گناھىنگ تاشسە شونده ي بۇلە دى! دېب اىككى لرى مېمان خانه تمانىگە يورە باشلە دىلر.

تاش بىر هفته دن سۇنگ اۇغلاق ميدانىگە كېلدى. اتلر كىشنىب، مست و دېوانە لرچە، بىر - بىراولرى يىلن اوروشماقچى اېدى؛ ولى اوستىگە پھلوان چاپ انداز يىگىتلر اولرگە مانعلىك قىلدىلر. تاش "سقر" نىنگ جلويىدن

محکم اوشلە گنچە تارتیب تورگن اېدى. سقر ميدانده گى اتلر ايچيده معلومدار بير ات اېدى.

تماشاچى خلايق ھم اۇغلاق اعلاناتىنى کوتىب تورگن اېدىلر. لاودسپيكرده اۇغلاق چاپە ديگن لرنى اينده دى.

اۇغلاق باشلندى. اتلر اېنگ كۆركم و داويوره كليك بيلن اۇجكنى يېردن كۆتردى و بيراق تمان بارگينچە يارمحمد باى نينگ تورىغى گە تاش ھم تقيم بۇلدى - دە اۇجكنى بيراق گچە ائيب باريب، تشلە دى.

شو ائئادە لاودسپيكر اۇغلاق نى تاش 'سقر' نغى گە اعلان قىلدى. ينە بيراقدن حلال دايره سىگە كېلتىرىلىشى اعلان قىلندى. سقر ينە دە اېنگ سۇنگى قىزىقرلى حالده اۇجكنى دايره گە ھم كېلتىردى. باشقە اتلر اېسە سقرگە مانعلىك قىلىب تورگن پىتى، شېرنظر قۇلیدە گى بيچاق بيلن سقر كۆكسى گە سوقدى. سقر اېسە اوشندە ھم حتى اقسە مسدن اۇغلاقنى حلال دايره گە اېلىتیب تشلە دى. بيراق وضعىتى بيراز بوزىلىب قالدى. تاش اېسە ات نينگ يره لنگنى اوچون ات بيلن يومە لب يىقلىدى. بو حادثە تاش بيلن شېرىنە نينگ اوروشگنى گە باعث بۇلدى.

بو حادثە دن ھمە خبر تاپدى، ولى يارمحمد باى نينگ اتلريدن ھېچ بيرى ھم ميدانده تورمە دى و ھريانگە كېتە باشلە ديلر.

اۇغلاق بوزىلدى. ھمە اولوس اۈز اوپلريگە كېتدىلر. شو ائئادە جرار بو حادثە سببلى شېرىنە، بايخان و اوشنگە اۇخشش آشنا و اورتاغلىرى بيلن بيرين - كېتىن، جرار نينگ اۈرتە گە ائدىلر.

- جرار باى! ... قندەى بۇلسە ھم جيگن - جيگن، اۈزگە - اۈزگە، اما سېن ايشينگنى اېتىدىنگ! دېدى و جرار نينگ بيچاقلب تورگن پىتدە، عسكرلر اولرنى توتدىلر و تاش اېسە بېگناھ بۇلىب، اۈز تويى نى باشلە ماچچى بۇلدى.

بۇرى

بىر تور قۇرقىنچ و دەشت محلە خىلايقى اىچىدە، اغىزدن - اغىزگە توشكن اېدى.

محلە يشاوجىلرى بۇرى دېگن وحشى جانورنىنگ كېلىشىدن قولاقلىرى قامتگە كېلگن اېدى. دېمك خلق نىنگ قۇى و قۇزى و اىچكىلرى، بۇرى نىنگ حملاتىدن درامان اېمسدىلر. بۇرى نىنگ كېلىد كېلدى سى ھمە گە بىر تور وح شت حسابلىندى. اينىقسە اۇشە كېچە گى قارنىنگ پغەلرى اسمان كۆكسى نى يارى ب، بىر رخسارىنى خوددى كېلىنچكلر سفىدە سىدېك اقرتىرگن اېدى. قار ھنوز ياغردى، اسمان بوتونلەى اق موزدېك قاتگن. ھوا ساووق لىگن قار پغە لرىنى ھم موزلتگن بۇلىپ، از مدتدە ھمە بېرنى كاووش كۆمر قىلگن اېدى. اۇشە كېچە ايت لرنىنگ عو- عوى ھم محلە اطرافىدن قولاقلىرگە سىنچلىپ، اولرنىنگ تاووشىدن ياوايى و يات جانور بۇلگن بۇرى گە حملە قىلىنگنى معلوم بۇلردى.

اونىنگ شىون و فرىادى قۇرقىنچلى نالە لرى ايتلر نىنگ تاووشىگە قۇشىلردى. دېمك اۇشە ايتلر بۇرىنى كۆرىپ، غابشىنىپ، يات جانورلرنى محلە گە كىرىشىگە قۇبىمسدىلر. دەشتلى تاووشلر اۇشندەى اېشىتيلردى. قۇشنىلرئىمىزدن بىرى ناصر ھمىشە و كون و تون قۇى و اىچكىلرىنى قرە- شىنى دە بۇش دارىمى، كېچە لرنىنگ اويقو سىنى اۇشە اوچون كۆزىدن بىرغە قىلىپ، اۇز ايشىگە عادت قىلگن اېدى.

او ھىچ قچان كېچە لرى ياتمىدى؛ زىرا كېچە لر ھمىشە بىدلر و اويغاق بۇلردى.

مال و جان دېگنلر. اطراف يشاوپچيلرى انه شو مالدارليککه کيريشگن و هر شرايطده هم اولر اوزلريچه مال سقلب، اولر نينگ جان و دلدن سبويب اسررديلر. ناصر ايسه اؤشنده ي يگيتلردن بؤليپ، محله ده گي يشاوپچيلرگه جان و دلدن ايچ کويديريب، قووانردى.

او ييگيتلر ييگيتى اېدى. گاوده سى قليين، چارشانه دن کېلگن بؤيچن، ق د و قامتى نمرگه يبتگن نهال سينگرى. او ايش آدمى اېدى. همه محله ده گيلر اوندن فايده لنيپ، يخشى - يمان کونلرده، اولر نينگ درديگه تېککن، اغير و قيين ايشلرنى اؤز کوچ - قوتیگه يره شه حل قيلردى. ناصر اؤشه کېچه قارنينگ پغه - پغه بؤليپ آسماندىن اؤينب توشيشى گه عاشيقيپ:

- ياغگين قار جان، قۇيلريم سېنگه باغليق!! سېندن همه ايش بيته دى. ولى بير پيت، ايتلر نينگ عو- عوى اطرافدىن اېشيتيلدى - ده، بير از لرزه و قۇرقوو ناصر اندامیگه توشيب، قۇيلردن كۇپراق مواظبت قيلردى.

بير کېچه هوا ينه اؤزگردى و قار ياغيپ، اق پرنج ي سيني پير كؤكسيگه يازدى و قرا و ظلمت اره لىش بير كؤكسى گه توشگن قار بيلن اؤزاق يقيندىن عجب بير سېس قولايگه سنچيلدى. ناصر خوددى پيردىن بير قت اوچيب توشدى يو پيريدن بؤكيپ توردى. تشقريگه چيققن حالده ينه بير دؤستى هيبتلى آواز بيلن:

- ياردملشينگلر!... ياردم!! ... دېدى و بى اضطرابلى سېس چيقردى. ناصر اؤزى نينگ جمع و جؤر قيليب، قؤل چراغى نى تشقريگه تمان توتدى. چراغ ياختى سى اؤشه دؤستى نينگ کېليشى نى ناصرگه كؤرستدى. ناصر ايسه بير ياندىن ساووق و بير تماندىن ايسه بؤرى اوچون كؤزى تورت اېدى و اؤشه اوچون ناصرگه قۇرقاقليک عادت اېدى. اؤشه تمان چوقور قره دى.

- کېتدى!.. اييدى!... اؤشه تمان!! دېدى، دؤستى تىلى توتيليب. ناصر چققان اويدىن چيقدى و دؤستى نى پيرگه ييقيليب ياتگننى كؤردى. باشىنى ايما بېريپ، يوقارى كؤتردى. بوتون وجودى موزدېك قاتيب قالگن حالده دلوديره ب، ناصر ايچى كويگنيدن كپيتيده گى كركى چكمنى نى اونينگ اوستيگه ياپدى. نهايت اياغ- قؤللىرى، وجودى ايسيب، آرزاق هوشگه کېليب كؤزىنى اچدى. شو پيتده او هم اؤزى نينگ هوشيار و برىم توتيبه قؤلى بيلن ناصرگه اطمينان بېردى:

- ناصرجان دۈستىم، وارخطا بۇلمە! ۈزىنگى توت! مېنگە ھېچ نرسە بۇلگىنى يۇق! او ۈرنىدىن توريپ، استە-استە ادىم اتيپ ناصرنىنگ قۇيلىرى تمان يورە باشلەدى. يير از يوريپ قۇيلىرى تمان باقدى، كېين اونگە اشارە قىلىپ، يېرگە يىقىلگن قۇينى كۇرستدى. او قۇينى كۇرىپ، يورەگى يانگىدېك بۇلىپ، اونى موجك (بۇرى) اورگىسى اېسىگە توشدى. او بې اختيار بۇلىپ، يورەگىدە:

- اېسىز قۇى گىنم! شونى يېگىدىن ... دپە متأثر بۇلدى.

ناصر غمچن و قىغولى ۈشە كېچە گى قۇرقىنچلى حادئە اوستىگە توشىپ، اويان - بوياندىن بۇلگن عذاب و عقوبتلر اوچون مظلومانە حالدە اېدى.

يېر كون ناصر واقە لر تۇغرىسىدە يېرار ايش قىلىشگە تصمىم ادى. بۇرىلر نىنگ قىتە ھجوم ايتە ا لمسلىگى و بوتونلى نابود ب ۇلىشى، قۇيلرنىنگ دايم قوتىلتىرىش حقىدە يېرار چارە ايزلەدى.

ۈشە يېر اطرافىدە يېر نېچە سوروك قۇى بار اېدى. يىراق ھمە سى شو خطردين قۇرقوودە اېدىلر. ناصر ھمە سىنى يېرگە يىغىپ:

- دۇستلر! سىزلر ھم بىلە سىز كە كېچە تماندىن ھېچ يېرىمىزدە اويقو يۇق. اگر بۇرىلر حسايىگە يېتمەسك، ھمە قۇيلرنى توگەتەدى!

قادر سوروك باشىلردن يېرى سۇز اىپ:

- بىز ھم شو گېگە موافق مىز. كۇپ ايشى كل دېگىلر!! دېدى.

سرانجام، ھمە بو يۇلگە بېل باغلەدىلر و بۇرىلرگە قرشى بېش اتر، ساچمە و چرە يى مىلتىقلر نى تۇلدىرىپ، كزە ادىلر....

كېچە قرانغو اېدى. يېراز ساووق شمال ھم اولر نىنگ يراق دستە سىنى توتىشگە قۇيمسدى. بۇرىلرنىنگ زجە و دھستلى ھووللىشى كېچە نىنگ اغىرلىگىنى يمانراق قىلردى.

يېر محل اوزاقدن خوددى قۇلچراغ توتىلگىدېك قۇشە-قۇشە ياروغلىكلر، كۇرونىپ، ياووغلشگىدېك بۇلردى. بارىپ بارىپ اولر جودە ياووغلشدىلر. اولرنىنگ بۇرى اېكنى بېلىدى. شوندى ايلگرى كېلە دىگىلردىن يېرى دىمى نى يېرگە باسىپ، انگە لى ھووللەدى گۇى باشقە لرىنى بىز بىلان اوروشگە چارلە گن بۇلسە. ھمراھ لرى ھم ايزمە- ايز ۈشە ھووللگن بۇرىگە ياووغلشىپ اۇتيردىلر.

او ينە دە، نېچە مرتە ھلاسلەدى. ناصر مىلنققە اۇق سوردى دە، ۈشە چارلاوچى ايلغار بۇرى نىنگ كۇكسىدىن اوردى. بۇرى درحال مىلتىق اۇقى

نینگ ضربی بیلن ونگیلل بپرگه نقش بۆلدى و ھمراھ لرى بیلن بپرگه قاچە المەدى. قادر اۋرنیدن تورماقچى بۆلگندە، ناصر اونگە مانع بۆلۈپ:
- تورمنگ ینە بپرینی اورماقچى من دەدى.

شوندە ییقىلگن بۇرى نینگ ھمراھلریدن بپر- ایككى سى ھم قاچدى، اما باشقە بپر نېچیتە سى اۋق سېسىگە سیرت بپرېب تورگندە، ناصر اونى ھم نشانلب بپرگە ییقدى.

اۋشندن سۇنگ، بۇریلر بدرغە بولدىلر و چۇچانلر و قۇیلرى اېسە کاتە رنج و تشویشدن قوتیلدىلر. ناصر اېرتە سى اېسە عادتدە گیدېک، بۇرى مسلیغى نى سوروکلردن ایلنتیرماقچى بۆلدى. (اداغ)

خانچھارباغ، ثورأى، ۱۳۷۵ ییل

باش قتتيق مي ، تاش ؟

اۋشە كۈن يۈرەگىمدە نىمە دېر سۆز بارلىقى اۋزومچە ھم معلوم اېمىسدى .
خوش و خوشحالىيگىم نىمە دن ليگىنى بيلمىدېم .

- آه خدا! يۈرەگىم نېگە دېر بۈندە ي قىسىلىپ كېلە ياپتى! - دېگن جملە لىر
فكرىمدە نېچە مرتە كېلىپ كېتدى . نېچە كۈن آلدن فاكولتە دن امتحان
نىنگ مشقتلى كۈنلىرىنى يىكونىلپ ، خوددى قماقدن چىققن دېك حويليم و
عايلە اعضام - قىرىپ قالگن انھ - اتم حضورلىرىگە مېھمان چىلىككە كېلگن
اېدىم . بىراق حويليمىزدە ھم انچە ايشلر مېنى كوتىب تورگن اېدى .

در حقيقت اۋزىنگ ھم يىگىت ، قۇلىنگدە ھم بىر تنگە بۇلمسە حال و
احوالىنگ اۋزى.... - دېدىم و اۋىلەنىپ قالدېم . بو فكرلر مېنگە فقط گىنە
بىر معما سىنگرى سىزىلدى و ىنە شو فكردە:

- اې توبە! اۋزىنگ ھم ... غىرى كە موترسايكل مېنە سن و ...! - دېدىم
و اۋرنىمدن تورىپ ، تشقىرىگە تمان چىقدېم .

اېرتنگ پىتى ، اېندى گىنە اۋزىم ھم چاى باشىدن تورگن . ساعتىم نىنگ
عقرىبە سى سىكىزنى كۇرسەتىپ تورگن اېدى . بىر پىت كۇزىم اتمگە
توشدى . اتم تورىغ اتمىزنى يىتكىلپ ، تۇلدىرىپ قۇيىلگن پقىر سوويىگە
اىىپ باردىلر . ات پقىر سوويىنى اىچمە دى . اتم شۈندە ھم ايكى دوداغ لرى
نىنگ ارە سىدن سورنك دېك اوشچلاق چالدىلر . مېن اتم قە يانگە
كېتماقچى اېكنلىرىنى بىلمە دىم . و ھاولىقگىم دن اتم يانلىرىگە باردىم .

ھەممە يېرىم جىت، حتى چومچىقلار ھەم چىق اېتمەيدىلار. اتم ات نىنگ سوو ايچىشگە عاشقىب، توردىلار. مېن درحال اتم نىنگ سىمالرىدن بىر سرنى سېزدىم، او كىشىدن:

- نېگە اتم، خىرىتلى مى، ات بىلن قە يېرگە كېتماقچى سىز؟! دەپ سۆرە دىم.

- بازار كېتماقچى من اۋغلىم! دەدىلار و سۆزلىگە دوام بېرىپ:
- مېن بىراز بوغداى ھەم ائىب تېگىرمانگە بېرىپ، سودا ساتىقلار و روزگارگە كېرەك نرسە لرنى ھەم ائىب كېلماقچى من! دەدىلار. مېن بو گېنى اېشىتگىچ، اۋزىمچە، قە يېرلرنى خيال سورىپ قۇيدىم. خيالىمدە عجلە بىلن بىر ايش بجرماقچى، لېكن نىمە ايشلىگى اۋزىمگە ھەم معلوم اېمىدى.

ساعت سىزىر يېرىم بۇلىپ، ھوانىنگ النچەسى اېندى گىنە اېسىپ كىلە ياتگن. اۋزىمچە اۋىلنىپ قالدىم؛ زىرا ات مركب بىلن ايكى ساعتلىك يۇلگە بارىش ھەم نظرىمدە خوددى تاغلار چۇققى سىگە اۋرە لب چىقە ياتگندېك سىزلردى. لېكن يادىمگە توشدى كە: موتر سايكل ھەم بار، بار. ياغى ھەم تىم تىككە تۇلە و اتلىك كېتىش نى فكىرىمدن چىقاردىم.

شونگە، فكىر و اندىشە لرىم خېلمە خېل كېلىپ كېتىدى. مېنى اېسە بىر ياپىق نا بېلگى نرسە يورگىمدە ائىقتىرىپ قىزىقتىرردى. لېكن اۋزىم ھەم اونچە لرانىق راق بىلمىدىم يورەگىم كۇكسىم قفسىدە دوک دوک، اورردى و درحال يېرىمدن تورىپ اتم گە دەدىم:

- اتم! ايكى باشدن اتلىك كىتىشىمىز بۇلمەدى ... مېن اۋزىم موترسايكل بىلن درراو ھەم ايشلرنى بجرىپ كېلە من! - كۇپ ائىقىشلىك قىافە دە اتمگە، مېن موترسايكل نىنگ صافى قىلىپ اريتدىم و لېكن ياغى ھەم شەر بارىشگە تصورىمچە ماس كېلدى. خۇرچىن نىنگ موترسايكل اوستىگە ارتىپ، قاپنى ھەم بوغداى اوچون ائىم و يۇلگە توشدىم.

مصمم اېدىم كە اۋن دىققە دە ايكى ساعتلىك يۇلنى طى قىلە من!، دەپ ساعتىمگە قرە دىم. ساعت تۇققىز بۇلگن كۇپ كىچكلىگىدن داوقىرمە داوقىر، ساعت عقربە سىگە كۇزىم تۇرت بۇلدى. مېن چنان سرعەتدە ھىدر اېدىم كە، اطرافىمدەگى اېكىن و جر - چوقورلرنى اصلا كۇزىم توتىمىدى. كۇپرىكلر و شاخلر نظرىمگە اېلىنمەى اۋتردى و موترسايكل نىنگ كىلو مترى ائىمىش درجە دە قاولە - قۇيمە اېدى. نېچە

قتله ترافىكى حادئە لار ھەم يۇلدە اجلىم بىلەن قەد اېتىگەن اېدى و سەرانجام بۇلمەگەن ايشلارنى قىلىپ قۇيىشى مەمكەن اېدى. مەن شەھەرگە يېتىپ باردىم. مەندويىن بوغداي ائىب تېگىرمان گە اېلتىپ كېلدىم.

سەت اۋن بولر چە سىدە نەسىم نەسىمنى، قاولردى. تېگىرمان شۇنچە لارالە گوپەر كە اېگنە سوقرگە پەر يۇق. اگر بىر آدم األدىن راق بارىپ قالسە، بىر مەرچە لىك پېردە بوغدايدىن اوزاق توشىشى مەمكەن. شو زماندە بىر يىرەم لكدن بوغداي االسنگ او ھەم يۇقالىپ قالسە، كۈزە بىلەن حوض تۇلدىرى وپەر....

تېگىرماندە سەتەر كوتىپ، مەجالىم قالمەدى. يورە گىم ھەنوز دوک دوک اورردى. آدمەلرنىنگ گوجوم لىگى مەنىنگ اون تارتىشگە اۋىلتىرىپ قۇيدى. بىر قۇلىم بىلەن قاپنى اوشلەپ باشقە قۇلىمنى آدمەلەر اوستى بىلەن اوزاتىپ، تېگىرمانچىگە قرە ب:

- اى اكه تېگىرمانچى! بىر غىرت قىلىپ شو گىنە بوغدايمنى تارتىپ پېرىنگ. ايشىم جودە ضرور! دەيدىم و كۈزىم تېگىرمان نىنگ خۇر پېرە دىگەن پېرىگە تىكىلىپ قالدى.

تېگىرمان ماشىنى نىنگ يورە ك سوکووچى تاووشى يكە مەن و اۋشە پېردەگى آدمەلەر يورەگىنى تۇپ - تاشدەن، تىترەتەردى. تېگىرمان سەسى نىنگ شەتەيدىن آدمەلرنىنگ گېسى ھەم اېشىتىلمەسدى. ھەمە آدمەلەر بىلەند گېررەدىلەر، اما تېگىرمان سەسى اېسە سەسلەرگە اوستون اېدى.

بىراق بىر كۈرۈمدە اۋزىمنى خۇرگە ياوغلىتىردىم. نوبتىم گە اىككى اۋچ كىشى قالگەن اېدى. يورە گىم نىنگ تىنچسىزلىگى تابارە اشردى، لېكەن نىمە فايدە، عاقبت نىمە بۇلرى اصلا تفكرات دنياسىگە يېتىپ كېلمەگەن. مەن اۋشە لاپروا آدم خوددى قناتلى قوشدېك مقصود منزلىگە بارە قالسىم يخشىراق! دېگەن اميد دە اېدىم.

سەرانجام از فرصت اۋتىشى بىلەن اق نوبت مەنگە پېتر - پىتمس بۇلدى. اېندى اېسە ھاولىققىمەن خيالەمدە قەپەرلرنى خاطرگە مەجسەم قىلردىم. يورە گىم بىر زوم قىسىلىپ كېلدى و اۋنگىمدەگى نوبت ائىب اون تارتىپ تورگەن آدمگە قرە ب ھاولىقىپ دەيدىم:

- نىمە بۇلدى اكه، باتراق بۇلىنگ سىز! كىچ بۇلدى!

- نىمە دېيسن؟ جنى بۇلدىنگ مى اۋزى، اۋزىنگى توتىپ گېپەر! دەدى، او. يوز و كۈزى بوتونلى اون بىلەن بولنگەن. بوندە ي قىافە دە خوددى اچىنىپ

یقہمدن الگودہک بولیب، قولىدہ گى كوره كچه نى اونگہ باسيب قويدى.
مېن هم قهر و غضب اره لش:

- كوزينگگه قره آشنا! كوزينگه! مېن سېن بيلن اوروشگنى بو پېرگه كېلگن
ياغ من!- دېدېم يېلكه سيگه تور توب.

او آدم نينگ بوغداييدن تېگيرمان دؤلىدہ يريم سير قوله ييدہ قالگن اېدى.
مېن چققانليک بيلن او نينگ گيگه قولاق سالمه، تېگيرماندہ گى ترازو
پله بيلن بير پله بوغداى نى تولىديرېب دؤل اوستيگه كوتاريب قويديم.
شونده بير لحظه خيالىمدہ:

اېتگيمدن تېگيرمانگه ايلمہ سين!- دېب، كېچدى و اېتگيمنى بېلباغيمگہ
قيستيرديم.

شو اثنا ده او آدم قابى نى قاقىشتيردى و مېن قولىمدہ گى ترازو پله نى
قايىب ينه بير پله نى كوترديم. اوشبو حرکت بيلن آياغيم تايريليب، قنده
ى بؤلگننى بيلالماى اوزومدن كېتدیم. خيالىمدہ بير- آسمان ايلنگن دېك
بوليب، ييقيلىدیم و قولاقلريم خاويلوب، دنيا باشيمگہ ايلندى. اوزيمنى
توتيشگہ ايتتيلدیم، لېكن كوچسىزلىك قىلديم.

نيمہ قىليشىمنى بيلمه، بې اختيار عاجز بوليب قالدیم. حوصله م كېتىب
قالدى. كوزيم نينگ اؤنگى قې- قرانغو بوليب، حسيم ازدى. بيرازدن سؤنگ
كوزوم آياغيمگہ توشدى. آياغيم سينيپ، استخوان لرى اش بيچاقدىك
تيشيلىپ چيقيب، قان همه ياق نى تولىديردى. بو واقعه دن يكه مېن
اېمس، بلكه تېگيرماندہ گيلر هم قورقيپ، بو بيرنى ترك اېتدیلر.

هوا ايسيق اېدى. تېگيرمان سېسيه هوا ايسيقلىگى بيلن اؤته قور اوستيگہ
قور قۇيگن. مېن اېسہ تېگيرمان يلمه گن آياغيمنى محكم قولىم بيلن
قيسيب اوشلهديم و كوزيم نى اچدیم. بير ياندىن هوا ايسيق بولسه، باشقه
تماندىن اېسہ يوره گيمگہ توشگن درد و اضطراب هاولى و ققشتيچ حادثہ
ينه ده شدتلى راق اورهليپ، خوددى بير قطيدہ قيسيلگندېك بوليب قالدى.
قان تامچى لرى فقط قۇى سۇيىلگن دېپسن كيشى. شو اثنا ده يوره گيم
سيقيليب قالدى يو:

- وای! وای ايناغه لرا! وای کيم بار بو پېردہ! ... آه خدا!... دېدیم.
بیر آزدن سؤنگ کيم دیر کيريب كېلدى يو مېنينگ قوچاقليپ كوتاريپ،
ارقمگہ كيردى. بدنيمدن چيققن تېر خوددى سووگہ باتگندېك بولدى. و

او آدم درحال اۋرنىدىن توريپ تشقريگە چىقدى و بىرازدىن سۈنگ نېچە كىشى بۇلىپ كېلىدىلر.

ھەمە نىنگ سر و صورتىدىن تېر اقردى. كون ھەم يىرىم بۇلگن اېدى. مېنىنگ اېنگ لقلەغان تاووسانىدە تورگن ليگىنى كۇرساتردى و لېكن اولردن بىرى اۋزىنى جودە مېنگە ياووغ توتىپ، يېرىمدن كۇترماقچى بۇلدى و ھمراھ لريگە قرە ب:

- بارىنگلر بىر اراپە تاپىپ كېلىنگلر، بونى كسلخانىگە آلىپ بارە مىز، دېدى. كېين اولر مېنى تشقريگە چىقردىلر. مېن شو خالده ھەم اۋزىمنى ھوشيار و تىتىك توتىپ، كىسەمدن موترسايكلىم نىنگ اچرى نى چىقىرىپ بېردىم و حويليمگە خېر بېرىشلرىنى التماس قىلدىم.

كۇپ اۋتمەى اراپە كېلدى. مېنى اندخوى كسلخانىگە سىگە آلىپ جۇنەدىلر. افسوس كە يوز مشقتدە باردىك، لېكن علاجى بۇلمەى قالدى.

خلص، قسمت و تقدىر اېكن. اوزاق يۇلدە مېنى شېرغانگە آلىپ بارماقچى بۇلدىلر. اۋشە كونى بىر دىقىقە عمىرىم اۋن يىلچە بۇلدى. ھەمە كۇرگن عذاب و عقوبتىلر بىر سارى و شېرغانگە بارىشده موترىنىگ كسل تاو يۇلى بىريان بۇلىپ، حياتىم يىلن اۋلوم اۋرتە سى مېنىمچە ھېچ نىمە بۇلىپ قالدى.

شېرغان شېھرىگە بارگونچە فقط يوز قللە اۋلىپ - تىرىلدىم. آسمان صاف و ھوا ھەم ايسىق اېدى. تاوسان شمال ھەم ھنوز ذرە چە ھورر اېتمەدى و برى - بىر كېلىپ تورگن شمال ھەم خوددى بېتىنگىگە الاو ياپىشىگندېك قورتىگردى.

اصلا قىسمتىم نى اورگن اېكن. شونچە لر عذاب و عقوبتلر اقمىدە شېرغانگە كېلىپ كۇرسكە، اۋشە كون مى يا كە مېن اوچون مى كسلخانىگە لردە برق ھەم يۇق و سوو ھەم بىر قولتوم ات ليككە تاپتىرمەيدى. ھەمە بىر قورىشقب ياتگندېك اېدى.

كسلخانىگە باردىك، ھېچكىم، ھېچكىم گە قرەمەيدى و ھەمە اۋزى يىلن. دوكتورلر ھەم اۋشە زمان اېنگ اوچى، بىر نرسە بېرمە سنگ اۋلىپ كېتە قالسنگ ھەم قرە مېدىلر...

سرانجام ساعتلر اۋتدى. اما چال بۇلگن اتم كېلىپ قالدىلر. دوكتورلر ھەم اېندى گىنە تاپىلە باشلەدىلر و مېنى عملىاتخانىگە آلىپ باردىلر. داكتورلر ھەم معالچە گە باشلەدىلر. مېن اۋزىمنى نىمە دېر بۇلگنىمنى بىلمەى

قالدیم. خوددی اویقو بستریگه چۈمگندېک سېزیب، ھوش و حرکتدن کپتدیم...

ساعتلر اۋتیب، مېن ھوشدن کپتگن اپدیم. بیراق استھ سېکین قولایمگه آندھ سانده ییغی اره لش عجایب تاووشلر سنچیلگینی سېزدیم. آیاق و قۇللیم بیراز قیمرلە ی باشلە دی. بدنیمنی بوتونلی تېر باسگن اپدی؛ تئیمدە ذرە چە حال و مجال قالمە گندېک؛ کۈزوم نینگ اۋنگینی خوددی اۋرگمچیک اوی دېک نازک و یوققە پردە لر توتگن گە اۋخشە دی. اۋشە نازک پردە سېکین استە، اقردی یو کۈزوم نینگ اۋنگیدەگی نرسە لر اپندی اپندی گینە کۈرینە باشلە دی. بیرینچى مرتە اتم نی باشیم اوستیدە ییغلب اۋتیرگنلریگە کۈزوم توشدی. کۈزوم نی کتە راق اچدیم. اتم قیتە باشدن مېنگە قیریلیب قرە دیلر و دیدە اشکبارلری مېنى کۈرگچ، کۈزلریدن تامچى تامچى یاشلری تامە باشلە دی. شونده مېن تیریک اپکنیم نی یخشی بیلدیم.

ھوش و فکریم سېکین سېکین، آلدینگی دېک اۋزی نینگ قدریگە یېتیب کېلماقدە و اتم بیردن اوکیریب قۇیە بېردیلر:
- واخ اۋغلیم! عزیز فرزندیم! ھوشگە کېلدینگ می؟- دېسە، کیسە لریدن قۇل روماللری نی کۈزلریگە توتدیلر و یاتگن یېرىمدە بۈنیمدن آلیب ییغلە دیلر.

مېن ھم کۈزیاش قیلدیم و ایناغەلریم ھم اوکیریب قۇی بېردیلر:
- خداگە شکر اوکە جان! کۈزینگ کۈزومگە توشدی بۇلە دی!- دېسە، یوزیمنی سیلب سیریب، مەر و عطوفت ارەلش چوقور قرە دیلر و مېن اپسە تنغیلیب باغلنگن ایاغیم نینگ آغریگنیدن نیمە قیلریمنی بیلمە ی، فقط دېوارگە تېنتیریلیب قۇیلگن قۇلتیق تیاق و سیرملر و قانلر و تورلی- تومن، ادویەلرنینگ آسیلگن توبرە لرینی نظریمگە توتیب، اۋیلب قالدیم و اۋتگن لریمیزنینگ آیتگن لری دېک اۋزومچە دېدیم:

- 'باش قستتق می، تاش؟' (اداغ)

(خانچہارباغ قیشلاغی، ۱۳۷۸- ییل)

چۈپانلر

قۇيلر سوروگى اغىردن يوره باشلب، مغ - مغلب عالم و دنيانى تۇلدىردى. همه ياق كۆم - كۆك. يېر و آسمان يم - يشيل. بېزەليب، اۈزى نىنگ چىرايلىگى و رنگ مه - رنگ كيىمنى قيش فصلى نىنگ موزدېك طبيعتى نى توبدن اۈز ايچىگه اورهب آلب، ياستىرگن اېدى.

طبيعت نه قدر چىرايلى بۇلب، جهان بويوك عالمىنى يرەتگن قدرتين اۈزىچە خاص و مثلسىز طرح و دېزاین اساسيده تصو يرلەگن اېدى. لېكن قۇيلر و قۇزىلر انه شو چىرايلى اۈتلر و گل لاله لر اۈزلىرى نىنگ اينىقسە اينگىچكە اياقلىرى آستىگە آلگن اېدىلر.

اولر هر يېردە اۈزلىرى نىنگ يوره كلرى خواهله ياتگن اۈتلرنى يېردىلر. قۇزىچە لر اېسە اۈشە مىسە و لاله لر زىيالىگى و طبيعت نىنگ كۆركم فضاىيده انهلرى ايزىدن اويانبويانگە بوكە لەشىب خوش و خورسند بۇلر اېدىلر. شونىنگ اوچون، يوزلرچە قۇزىلر اۈز انه لرىگە قرە مسدن اۈينر - دىلر، ولى اونچە اۈتمسدن، ينه ده اۈتگە قىزىققن انه لرىنى تاپدىلر - ده، مغ مغلشىب، محله نىنگ كۈچىردىلر....

قۇى لرهم اۈينب كېتگن باله لرىنى يوقلب، باش كۈترىب، باله لرنى كۆرە آلمىدىلر - ده، كېين اولرنى قدىرىشىگە باشلردىلر.

اق اولاغكە مىنگن چۈپان اته اېسە ايككى اياغىنى يېر - يېرىگە چىلمشتىرىب، يىقىلمس ليككە اينانچى محكم بۇلردى.

اونینگ ناس كادى سىنى كھنە چنگ و توپراق باسگن. جىبە سىنى كىسە سىدن چىقارىپ بىر كپە ناسنى تىلى أستىگە تىشلىپ، عقلى نى توپياقلىپ عادتدە گىدېك سوروك قۇيلرىگە نىظارە قىلدى.

اونىنگ كۈزلىرى اېسە خوددى اويقودن قالگن آدملىرىگە كىسلىك و ارادە سىزلىك بىلن كۈرىنردى. دېمك او واقعا ھم كېچەلر نېچە قتلە اويقوسى نى كۈزلىرىدن اوچىرىپ، قۇيە ماللىرىدن خىردارلىك قىلردى.

چۇپان نىنگ قدى اۋرتە چە، سر و صورتى پھلوان و خوش بىچىم بۇلىپ، بوغداى رنگن كېلگن اېدى. چىققان گىپىرىش چۇپان آتە نىنگ كاردان چۇپان اېكىنىنى كۇرساتردى. چۇپان آتە سوروك قۇيلر اىچىدە نىمە وضعىت بارلىگىنى اۋزاقدن انگلردى. قۇيلرنىنگ قندەى لىگى، قىسى سى قە بېردە و نىمە بۇلگىنىنى بىلردى. شونىنگ اوچون، محلە دە چۇپان آتەدن بۇلك چۇپان بارلىگىنى ھېچ كىم بىلمىدى.

او، اوشبو خصوصىتى طفىلى بىلىمدان بىر چۇپانگە شھرت قازانگن اېدى. چۇپان آتە نىنگ اۋغلى ھمراھ ھم اۋن بۇش اۋن آلتى ياشىدە بۇلسە دە، ھمىشە آتە سى بىلن بىرگە زمان نىنگ آى و كونى و اچىقىقچە چوچىگى نى بىرگە اۋتكزدى. اما او ھم چۇپان آتە دېك قۇيە اىچكى لرنىنگ بىرچە سر و رازىنى بىلىپ كىتگن و ايتە آلردى. او ھم آتە سىدېك كون و تون، آى و يىل، قۇزىلرنى پرورش قىلىپ، اسرەب، يىخشىپ يمانىدن خىردارچىلىك قىلىپ يورردى. قۇي سوروكى اونىنگ دايمگى ايشە كوچى اېدى، اوندىن باشقە ھېچ ايشىگە بۇيىن سونمىدى.

او، بىر كون، يىاو (پاى پىادە) اېدى، قۇيلر اۋز خودىگە بىر يانگە اعدى؛ ولى ھمراھ آتگە قرەمسدن سوروك اىزىدن توشە باشلە دى. قۇيلر يورھە يورھە بىر اۋتلاق پېرنى تايىپ، يارە لىشىپ قالدىلر. ھمراھ قۇيلرنى اۋشە تور اۋتلب تورگنىگە عاشقىپ، تىاغىگە تىە نىب تورردى.

بىر محل استھە سېكىن تىاغى نى بېلىگە قىدب، اۋزىچە نېگە دىر بىر خىال سوردى. سوروك تېگرەك تاشىنى اۋزىچە قىدىرىپ، قۇيلرنى بىر-بىر كۈزىدن اۋتكزدى. اولرنىنگ بۇغاز، قىسىر لىگىنى بىلماق اوچون سوروك ارە سىگە كىردى. قۇيلر اوندىن قاچمىدىلر و اوزاقدن متوجە بۇلدى كە بىر قررى قۇي ياتاقلىپ، بۇينى نى چۇزىپ، آياقلىرىنى يوقارى، قۇيى قىلە باشلە دى. ھمراھ اۋشە نى كۈرگىچ خىرت بىلن اۋزىچە:

- نېگە ياتاغ ليدى؟ توغماقچى مىكن دېب، قۇيدى دە، تياغىنى تشلب، انگىنى شىمىرلپ قۇيگە ياولغلىشىدى. قرەسە، قۇى نىنگ آى و كونى تۇلگن. درحال سوروك ارە سىدن چىقدى، اما هميشە نظرى اۇشە قۇيگە تۇرت بۇلدى. بىر يۇلە آتە سى تمانگە قرە ب قۇيدى. قۇى نېچە مدتدن سۇنگ بىرگىنە قۇزىچە نى دنياگە كىلتىردى.

او خرسند قىافە دە:

- خداوندا! نە قدرسىنىنگ قدرتىنگ يوكسك و بويوك دير! دىپە كۇنگلىدە الله گە التجا قىلدى.

قۇزىچە نىنگ آنە سى اۇرنىدن تورگندە، قۇزىچە هم نېچە مرتە اومزە نىب تورماقچى بۇلدى، بىراق يېرگە يىقىلدى. بوتون وجودى داودىرە ب اۇرنىدن تورىشگە موفق بۇلە ألمەدى. آنە سى قۇزىچە تېگرە گىدن غىر بىرىب ايلنردى. ولى بالە سى تورە ألمسدىن ناچار اۇتلىشگە يورە گى بۇلمە گندىن تومشوق لرىنى يېرگە سورتگندېك تامشىنىپ قۇيدى.

قۇزى يەنە اومزىدى، ولى يەنە يىقىلدى. آخرى يېردىن توردى دە، خوددى ساوقاتگندېك، آياغ لرىنى داودىرە تىب آنە سىدن نېچە قولتوم آب حيات بۇلگن سوتنى نوش جان اېتدى.

سرانجام چۇپان آنە هم قۇزى گىنە نىنگ حالىگە حىران بۇلىب، اۇزىچە بىر عالم خورسندلىك يوز بېردى. همراه خوشلىگىدىن تياغىنى آلىب قۇيلر تمان بىر نظر قرە دى دە، قۇزى ارتباطىدە آنە توجه سىنىنگ اۇزىگە تارتدى:

آتە جان، قۇزىچە يىقىلە - يىقىلە، آخر يېرىدىن توردى، دېگندە، آتە سى اونگە قرە ب:

- هە اۇغلىم توردى! دنياگە كېلگن لر، بىر يوزىگە توشگندىن تلىپىنىب، اۇزلرىنى هرتمان اورە دىلر. شو نرسە لرنى بىلىب قۇيگىن! - دىپە، همراه اۇغلىگە اطمىنا ن بىلن آمرانە سۇز بېردى.

همراه نىنگ چرت و اۇيلاو، خياللر حرىرىنى يىرتدى. كۇزى سوروككە توشدى. قۇيلر كېنگ و يازىق دشت و دلە لردە بىر تامانگە يە يره لىب، كۇكرگن خېلمە - خېل اۇتلىرنى قىزىق اشتها بىلن يېردىلر. قۇزىچە لر اېسە آنە لرىنى ايزىدىن اۇتلىب، چاپىب بىغ بىلر دىلر. لېكن چۇپان آنە اېسە اوشبو شاوقىن تاووشلرگە كون و تون عادت آلگن اېدى. اونگە آنە شو سېسلر

جودہ یاقردی، اینیقسە تۇل فصلیدە قۇیلر ھرکون ییگیرمھاۋتیتیزتە سی توغیب، چۇپانلرنینک خورسند لیگیگە باعث بۇلیشی طبیعی اہدی.

بیر کون ساعت سکیزلردە ھمراہ اق مرکبی بیلن اوییدن آزوقە و کپرە کلی نرسە لرنی یوکلەب، میدانگە ساری یۇلگە توشدی. نېچە ساعتدە، نېچە قوم تیپە لرنی باسیب اۋتدی. انچە دن سۇنگ بیر کوندە کۆریندی. او کوندە اہسە یاتاق یقینیدە اہدی. ھمە یېرنی کۆم کۆک اۋتلر و گل لالە لر اورەب الگن اہدی. طبیعت نینگ چیرایلی منظرە سی ھم یۇللرنینگ عجیب بیر قیزیقرلی کۇرساتردی. اما ھمراہ مرکب اوستیدە بۇلسە ھم آغزیدن چیققن قۇشیقلرنی زمزمە قیلیب، اۋشە کوندە گە یاووغلشدی. کۇرسە، بیر کیشی اۋشە اۋزاقلیکدە یەیرەب اۋتلە یاتگن سوروک قۇیلر تمان یورە باشلدى؛ ولی ھمراہ اونى چۇپان آتە سی بۇلسە کپرە ک، دەپ اۋیلەدی. او سوروککە یاووغلشگندە چۇپان آتە ارادە سیزلیک بیلن بیر سېس چیقراگندېک بۇلیب، اۋشە یېردە اۋتیردی. ھمراہ در حال مرکبیدن توشیب چاپدی، اونینگ صورتیدە قان قوت قالمەگن اہدی. قرە سە کە چۇپان آتە ایکی قۇلی بیلن یورەگینی محکم اوشلەب، چاوە لنیب کۆک تیرناق تېککن آدملر سینگری ھمە اعضای بدنى سرغریب، لبلری و آغزی نینگ تېورەک اطرافى کۆم کۆک بۇلگن اہدی. ھمراہ اۋزی نینگ یورەک قیغوسیدن قە- یېرگە باریشنى و نیمە ایش قیلیشى نى ییتیرگن اہدی. بیر مرتبە:

- آتە جان، سیزگە نیمە بۇلدى؟ ھلاسلنیب آتە سینینگ باشینی کۇتردی:

آتە سینینگ آغزیدن کېلگن سوو چۇپان آتە نینگ بدنیدە گى بار شیمە و کوچى نى قۇیمە گن اہدی. کۆزلرى فرقیگە اۋرنپ قالگن اہدی.

ھمراہ بیر تماندن آتە سینینگ اوستیگە توشگن کسللیک، باشقە تماندن اہسە او چۇل و جزیرە دە ھېچ بیر کیشی او بیلن یاردەملشگە تاپیلمەگنى اونگە اچیق و ققشتغیچ کون نینگ کېلتیرگن اہدی. یورەگى چۇپان آتە سیگە جودە کویردی. ھمراہ اوشبو عذاب و عقوبتلر ایچیدە آتە سینینگ نصیحتلى سۇزلرنى اہسلەدی:

- بو دنیاگە کېلگنلر، ییقیلە- ییقیلە آدم بۇلە دیلرا دەگن اہدی. او آتە سیگە قرە ب کۆزلریدن آقە یاتگن یاش تامچیلرنی کۆریب حسرت چېکردی. بوگون قۇی پاسبانلری ھم یلغوز ھمراہ بیلن اہدیلر. او آتە سینى قیشلاققە یېتکزیش چارە- تدبیرلرنى اۋیلەب، بو حقدە مصمم بۇلدى. اونى

اۋلدىرمەي، حويلى سىگە آلىپ بارىم دەپ اۋىلدى، ولى برچە يۇلر اونىنگ اوچون ياپىلگن اېدى. او آخر اۋزى محلە سارى يۇلگە توشدى
 ھمراھ اوچ كون اۋن ساعتلىك پاي پيادە يۇل يوردى. اما محلە دن دام و درك يۇق اېدى و فقط دشت و دلەلر اېدى. اۋشە كون آزراق ايسىق بۇلگن اېدى. قوياش نىنگ كويدىروچى نورى خوددى تنور ھورومى دېك كۇرىنردى. ايتلر نىنگ عو— عو تاووشلرى اوزاقلىكدن غاوشىنب اورە— ياتگندېك ھمراھ نىنگ قولاقلىرگە سنجىلردى. كتھ كىچىك، قوم تىپە لىكلر و بوزقلر اوزاقدن خوددى تاغلر چوققىسى دېك كۇرىنىب، يىراز قورقوو و دەشت اونگە سايە سالدى. او اۋن ساعت يۇل يورگن اېدى، تماغلرى قاتىب، يورەگى ھم سوو— نان اىستردى؛ اما افسوس كە بو جزىرە مە پىردە نان و سوو قە پىردە؟....

او اىزىگە قىماقچى بۇلدى؛ ولى اۋزىچە آتە سىنى اۋلىب قالگندېك سېزدى. حيات بىلن اۋلوم ھمراھ گە سايە تشلەي بېردى. دوداغلرى قاتگن، يورەگى ھم كۇكسىدە دوک دوک اورردى. گاه نامعلوم تمانلرگە قۇرقوو ارە لش:

— كىم بار بو پىردە! ... كىم؟ ... يىراز سوو بېرىنگلر!!... يىراز سوو! — دىپە قىچقىردى؛ ولى ھېچكىم بو تاووشنى اېشىتمەدى. اويگە يىتماق و ارقە گە قىتىش امكانىتى ھم اونگە قۇل بېرمەدى. گاه اويان چاپردى و گاه بويان؛ ولى آرام و اسودە لىك اۋرنىگە فقط اضطراب اېدى. سرانجام ھمە نرسە دن بۇلك بىر قولتوم سووگە خيالى قاچدى؛ اما چۇل و جزىرە دە سوو تاپىلىشى ھم امر محال اېدى.

او، سۇنگى نفسدە ينە بىر بلند قوم تىپە لىككە چىقدى؛ ولى اۋشندە ھم محلە اطرافىدە گى تام و درختلر نظرىدە كۇرىنمە دى. ھمە يۇل و كۇچە لر ھمراھ اوچون ياپىلدى.

او ينە دە نېچە دىقە يۇل يورىشگە تىمىم ادى؛ اما نظرىدە مقصدگە ھرگىز اونگە اېرىشە المە گندېك تويولردى. بلاخرە شو پىردن كىتمسلىك نى اۋزىگە سېزدى. ولى ايشى ناتمام قالىب، چۇبان آتە نىنگ اۋلىك تىرىكلىگى اۋز فكريچە خوددى كتە و يوكسك بىر تاغ سىنگرى طاققت سىز و ناممکن اېدى

يورەگى نىنگ درد و المى كۇزىدن تامچى— تامچى ياش بۇلىب چىقىردى. كوزى نىنگ حدقە لرىدە ياشلر نىنگ كوموشدېك دانە لرى رخسارىگە

يوریدی. يوره گى هول ایتگنیدن، کیسه سیده گى رومالی بیلن کۆزی نینگ یاشلرینی اړیتدی. اونده یؤل یوریشگه طاقت قالمه گن اېدی و کۆزلری یؤل کۆرماقغه هم یره مسدی. حرکتلری استهه سېکین، سسته یدی و گپییرماقچی بۆلردی؛ ولی گپنی هم آیته آلمه دی. او باشقه هوش و خیالنی قۆلدن بېرگن اېدی. توستدن سستلیک اوستیگه هجوم قیلدی و نېچه مدتدن سۆنگ فکری جایگه کېلیب، سېکیند آهسته کۆزلرینی آچیب اطرافنی قرانغو بۆلگندېک کۆردی؛ ولی فکریده قره اېمس؛ بلکه سووسیزلیک اونى اۆشه حالتگه سالگندی...

شو ائئاده بیر کیشی آت چاپتیریب کېله یاتگندېک قولایگه سنچیلدی و آت توياغلری نینگ گوپیر- گوپیری، همراه گه یاووغلشتیردی. شونده بیر کیشی نینگ ألیقیب چقیریشی هم اېشیتیلدی: - همراه !!!... همراه دېاپمن ...! همراه !!!...

همراه کۆزینی یاریب، بیرتیب، قره سهه ده، یانیده بیر اتلیق کیشی تورگن. او آتدن توشگندن همراه ساری یوگوردی و اونى ېېردن کۆتاریب، بیر از سوونى اونگه بېردی.

همراه سوونى ایچگچ، اۆزینی تۆخته آلمه ی، اۆشه ېېرگه ییقیلدی و اتلیق کیشی آته سیدېک تویولدی:

- همراه جان اوغلیم! کۆزینگنی آچ! مېن آتنگ من ... مېن ساغ من....! دېیه ییغله ی باشله دی؛ ولی همراه کۆزینی بیر یۆله آچیب، آته سینی کۆره آلمه دی- ده، کۆزینی قیته دن یومیب قۆیدى. اما چۆپان هم اوغلى نى درد و المیدن نېچه کوندن سۆنگ اۆلدى

ایتلر هوولشیب ییغلردیلر. چۆپان آته بیلن اوغلى همراه نینگ اۆلگنیگه گۆیا ایچ کویدیرردیلر. دشت و دلله لر هم ییغلردی. درد و الملى خوددی طبیعتتى اۆز قیغوسىگه سالگن اېدی.

قۆیلر سوروگى ایتلر تمان يوره باشلب، بېغلری فضا گه ینگره دی. قۆیلر هم خوددی همراه اوچون ییغله گندېک کۆرینردی. هېچ قیسی لری هم آغیزلرینی ېېرگه اورمسدن بیر تمانگه يوره باشله دیلر. قۆیايچکیلر اېندیدن چۆپان آته بیلن اوغلى همراه نینگ اۆزلری بیلن کۆره آلمه یدىگن بۆلیب قالدیلر اداغ

سىلبۇر

بو يىل ياغىنگرچىلىك كۆپ بۇلدى. بوركەلىب تورگن قرا بولوتلر كېتمە گودېك آسمان نىنگ چىرايلى و فيروزەدېك كۆم كۆك رنگىنى قاپلپ الگن. ياغىنگرچىلىك كون ساين اوج آلب، يامغىر اوستىگە يامغىر ياغىپ، يېر دېگن نرسە سوونى تارتمىدى. بو ھەمە سى خدانىنگ نعمتى.

انە شو سىبىدن اۋسىملىكلر جان تايىپ، يېر يوزىنى يم يشىل بېزە دى. ھر يىل شوندى. حتى قديم زمانلردە ھم شوندى اېكن. بو يىل ھم قار و ياغىر ياغدى. دشت و دلە لر تاغ و تاشلر قارو ياغىر اۋستىدە قالدى.

يىزىنىنگ محلە مىزدە ھم شوندى ياغدى و اۋتلر اۋسىپ، اولر نىنگ يمىشىل بۇياغى يېزىنىنگ ھرنقطة سىنى بېزە دى. محلە مىزگە يىر ياندن ياغىنگرچىلىك و باشقە تماندن اېسە سىللر ھم كېلە باشلەدى. سىل ھر يىل كېلدى. دھقانلر و غرىبكار اولوس ھر يىلدە كېلەجك رزق و رۇزى لرى اوچون يىللر يىلكە لرىدە اېكنلرگە سوو قۇيردىلر.

محلە مىزدە ايكى سىل بر بۇلسە، يىرتە سى ھم يىزىنىنگ دروازە مىزىنىنگ اۋنگىدە اېدى. دروازە سىل يىتىدە سىل بر بۇلىپ يىزىنىنگ آرام قۇيمىدى. سىل مېنىنگ حويلىم گە اورگن پىتى، يكە مېنى اېمس، بلكە تېورەك تاش قۇشنىلر يم نىنگ حويلى سىگە ھم كىرردى. شونىنگ اوچون، بېچارە قۇشنىلر يمىز ھم يىزىنىنگ دروازە مىز اۋنگىدە اۋتگن سىل اۋتروسىگە اورمە-سېن دېپ، صدق دلەن جان كويدرىپ، بو يات ايشلردىلر....

بو يىل ھم نېچە كوندن بېرى ارقىلر تۇلىپ سىل اقدى. يىركون توستدن سىل ازلدىدە، ھمساپە مىز و محلە نىنگ محتىجى دھقانلرى نىنگ جانىگە شمال تېگدى. يىر نېچە كون يازىلىپ يورە باشلە دىلر. اما مېن اوشندە ھم

کۆچە گە چیقسم، ایکی کۆزیم اریق تمان تۆرت و قولایم کبچە تماندن بېللرینینگ گوییللب دهنه(جویه)لر بویاتلریگە تېگشینی اونوتمەگن اېدیم. بیرکون عادتدەگیدېک قۇلیمنی آرقە گە توتیب، کۆچە داش همسایە لریم حضوریکە باردیم. شونده اولردن بیری اچیق قیافە دە کنایە لی:
- شمل اکە، هېچ درکینگیز یاغ! دېب سۆرەدی.

- درکیم نی هم سیل آقزیب کبتدی دېدیم. پوزخند اوریب، اوشنده هم کۆزیم شو بېردن اؤتگن اریق سوویدە اېدی. ینە سۆزیمنی دوامیدە قیریلیب:

- یۆلدن اؤتیب تورگن سوونی باغلهیدیگن جاندار آدم یاغ شیکیلی!
- دېگنیمدە ینە بیرکیشی آه تارتیب، گۇیا بیر یاییق سرکونلیدە باردیک:
- جاندار آدم کو بار! لېکن حق و تېغری گېنی کیم اېشیتسین؟ دېدی. اؤشە حق گپ مېنگە هم معلوم، لېکن اوندهی اچیق و تۇغری گېنی اېشیتش مېنگە هم قیین. دېمک حق نی ایتسنگ اوررلر، خوشامدگە کولرلر! چون اؤتگن بیللردە هر محله دن بیر- ایکی سیل بر اؤتر اېکن اېمش بیزنینگ محله میزدە بیر سیلبر بار اېدی. لېکن انه شو سیل برگە نېچە ییللردن پویان قابل اکە اېگە بۆلیب تورگن. شونینگ اوچون او ییللر اقیمیدە سیل برنی هموارلب بوغداى اېکردی.

قابل اکە محله میزدە گی ناقابل آدملردن بیری. دعواجلاب، خس اوغری و گپ توقووچیلیگینی همه بیله دی و اونى محله دە قابل چپە هم دېردیلر و اوندن قورقیب، حذر قیلیمیدیگن کیم دېسین. خدادن قورقمە گن دن قۇرق!
دېگن لر.

مېن هم انه شونده ی کیشیدن حذر قیلە من، نېگە کە قدیمگی سیلبر اگر اؤشە بوغداى اوستیدن اچیلسە، اولوسگە کتە بیر بخت اېدی، دېگن سۆزنی یکە مېن اېمس، بلکه همه ایتر اېدی. او ایش نینگ بجریلیشیگە نیمە کبرەک؟ فقط اتفاق و بیرلیک. دېمک، محله میز خلقی اتفاق تشنە سی دیر. شونینگ اوچون، اگر بیر ییگیت مېن! دېب تورسە، بیر کتە قوزغالان خلق ایچیدە توروب قالە دی دە، هرکیم اؤز حقیگە یبتیشە دی.

ایکی کون اؤتدی. ایکی کون هم کۆپ هلەلە و تارتقیلر بیلن. مامە قلدیراق هر بیر قسیرلگندە یورە گیم اېمس، بلکه آباغیم، قۇلیم و سوپکلریم قسیرلردی. اریقلر داغیدن توشمەدی. قبلە تمان قرە ییب کۆریندی. کۆک اوسیب تورگن بولوتلرخوددی اۇق یای دېک قویگە

اېنىب تورگن گە مېنگزردى. بىراق اندەھ سىندە مامە قلىدىراق ايزمەھ — ايز چىقماق تاشىنى قېرەگن اوچون يورە گىم بىر زوم اوپقىب، حوصلەم قىسىدى و ارادە سىزلىك بىلەن اغزىمدىن:

— ھوانى طرزى كۆپ بېجاي! — دېگن سۆز چىقىپ كېتىدى. شو بىلەن كۆچە گە سارى چىقىدىم كۆچە دىن اۋتگن سوولر ايكى كۈندە قورىگن اېدى و مېن سېكىنلىك بىلەن تاش كۆپرىك تەمان جۇنە دىم. تاش كۆپرىك يانىدە گى دېوار پناھىدە كۆچە خىلايقى ھىمىشە گىدېك يىغىلىپ تورىپ، ھەرتەماندىن اختلاط اېتردىلر. بوگون اۋشە يېردە كۆپ كىشىلر يىغىلگن اېدىلر. قابل چە خىلايقە گپ ساتردى. توستىن كىم دىر، گپ قوزغە دى:

— ياغمى كېتسىن اېدى، ھەمە اويمىدىن تامچى اۋتدى و جودە كۆپ ياغدى — دە! — دېدى او.

— اېرتەبىر كۈن سىلى يىم كېلىپ قالر!

مېن سىل نىنگ اتىنى اېشىتگىم دېك يورە گىم سېسكىنگىدېك بۇلىپ، كۆچە تەمان فكىرىم شاشدى. گۇيا سىل كېلسە يەنە اوپقو باشىمىزدىن اوچر... و سىل نىنگ نۇغلە بۇلىپ كېلىشنى خىالىمدە كۆردىم. يەنە گپلر قوزغالدى:

— بوقللە بىرسىلېر قازمىك، ايش اوسل! نوادە (مبادا) قىسى يېردىن اورمىسىن. — تۇغرى!... سىلېر قازماققە تى بۇلمىسە يىگىرمە كىشى كېرەك.

— يىگىرمە — اۋتوز كىشى سى يۇق. بو ھەمە نىنگ خىرى. بونگە ھەمە قۇشىلماغى كېرەك! دېگىندە، قابل چە قورجە لىپ قۇيدى و قۇپپە يگىندېك بۇلىپ.

— ھەركىم اۋز دەنە سىدىن باخېر بۇلسە يىخشى اېمىس مى؟ دېدى سىلە سىنىنگ. پېشانە سىگە اېگىپ، قابل بو ايشگە ناموفق اېدى. مېندىن سىزلرگە كىشى يۇق! دېگىندە، يورە گىم دوک دوکى كۆپەيدى. دىلمدە گى گېنى ايتسىم، دېپ خواھلەدىم، اما حوصلەم توگە دى و امرانە سۆز بىلەن قابلگە قرە ب: (قابل اكە كۆپ ايشى — كۆل دېگىنلر، ھەمە ياردەملىشسە، سىزھەم مەجبور بۇلرسىز!) دېدىم. او قوققە يىب قۇيدى — دە، ناس قىلى سىلدىن بىر كېپە ناسنى تىلى اۋستىگە تىشلەدى و اۋرنىدىن تورىپ اېتىگىنى قاقشتىردى:

— مېنى قابل چە دېيدىلر ايشىم باشىمدىن اۋسگن! دېپ، بىزلردىن اۋرىلدى. سىكوت خاكىم بۇلدى ھەمە بىر جىم — جىت. مېن ھەم بىر اۋر تارتىدىم — دە، اۋرنىمدىن توردىم، ولى ايشىگىم شو اېدى كە بىرارتە مېنى بىلەن ھەمىنظر بۇلسە و سۇنگ بىرگە كۆپ خىر اوچون ايشلىشگە تەمىم اۋدىك.

قابل چہ نینگ نزاکتسيزليگی يالغوز مېن اېمس، بلکہ اۆلتيرگن كيشيلر ھمە سينيگ كۆنگليگە ھم يمان تېگدى. شو اېدى كە رستم اكه— يقين سرداش دوست لريمدن بيرى اۆرنيدن توريپ: «انە شو آدم اۆرتە ميزدە يينگديريغسيز چييقن!» دېدى. غضبلى قيافە دە شوگپ بيلن اۆزيمنى استوار بيلديم. و خوددى طلبيم قۇلیمگە كېلگندېك:

— اصل بيز مردم ناتفاق ميز، بير كيشى نى آلر شھرى بارمى؟ تۇغريسيني بيرتنگيز ايتە ألمە دينلر.

— ھى شمل اكه! حقيقتنى سيزھم بيلە سيز و بيز ھم. منە مېنى ايتگنیمگە خیر دېسنگيز، قابل چہ نى بويات اۆنگيگە كونده لنگ اېتمە سم قۇيمە يمن! دېدى قهرچنلىك بيلن دۇستم رستم اكه.

— اوشنداق بۇلگن پيئدە سيزنى ھم يکە قۇيە سيميز يېق! دېديم، اونى ايشانترى ب. ھمە اۆرنيدن توردى و شام پيئيدە، اويليك اويلريگە جۇنە ديلر.

كېچە آستە — سېكىن قر اخيمە سيني يازدى. قرا بولوتلر آى نينگ چيرايلى ي سوزىنى كۇرشىگە قويمەدى. ايتلر عو— عوى قولاغيم گە اندھ— سندە بوياتلر گوپلديسى بيلن اېشيتيلردى. دېمك قولاغيم دايم انە شو تاووشلر بيلن قامتگە كېلگن.

مېن گاهيدە اريق سارى و گاهى اېسە دروازە اۆنگيدن اۆتگن سيلبرگە نظارە قيلرديم. سيلبر قوروق اېدى و اوشندە ھم قۇرقگنيمدن رويا و خياليمدە سيلبر تۇلە سوو بۇلى ب كۆرينر اېدى. سرانجام كېچە ساعت ايکى يريم نى كۇرسەتر اېدى. اويقو اوستيمگە غالب بۇليپ، جاييمگە چۇزىلديم. بير محل خواب و خيال اۇزاقدن خاتينلر و بالە لرسېسى اويقونى كۆزيمدن اوچيردى. اۆزنيمدن بۇكيپ توريپ، اۇشە تمان قولاق سالدیم.

— وای اوييم كويدى!— وای سوو اوردى! دېب، واهمە لى اوازلىر آسمانگە چيقدى.

بيردن آياق يلنگ بېليمنى كۇتاريپ چاپديم و قۇشنيلريم نى خبر قيلديم: — ھای، تورينگ! سيل... سيل...! انچه چاپديم، اما خاتينلر ناليشيني ھنوز اېشيترديم. ينە چاپديم. سوو شغيرديسى قالمە ي، قولاغيمگە يېتيشدى و نېچە دقيقە دن سۇن گ كۆرديم كە اريق راشى نينگ ايکى مترچە سى جرلەگن و ايش— ايشدن اۆتگن. سوو آلگن حويلى اېگە لرى نينگ نالە و فغانى كېچە سكوتيني بوزدى. سيل بارگن يېرنى ييقيتيب، دېولر — تاشنى

خرابه گه ايلنتيرگن اېدى. ينه اوچ - تۇرت كيشى كېلدى و كېين سوونى باغلىش مقصدده پايجير، اوتون چوب تاپيش تردديده بۇلديك. ساعتلر اۋتدى. لېكن سوو باغلتيرمه دى. انه شو مدت ايچيده چمه سى اۋتوز - قيرق كيشى ييغليدیلر. سيل دمی كېينگه اوريب كوتينلب، كۇپ اوى و جايلىرى ينه ده ويرانه ليككه سالدى. اۋرته دن كۇپ وقت اۋتدى. بيزلر اۋن كيشى سيلبر آلدينى آچيش اوچون يوگوردىك. سيل هنوز كۇپه لىب، داغ اوستيگه داغ ساليب، اۋتگن جايىنى ويران ه گه ايلنتريب قۇيردى. مېن آلدين و رستم اكه بيلن نېچه كېشى كېيندن هر سيلب - گورسيلب چاپردىك. همه ميزگه بيرتور تشويش و قۇرقينچ يوز بېرگن اېدى. مېن اۋشندە هم رستم بيتيدن بير از غضب و انتقام حسى نى سېزدم و شونده رستم اكه ايزيمدن در قهر بۇليب:

- اگر شو پيله قابل چپه دوچ كېلسه، گردننى قلمدېك قيرقه من! دېدى.
سيل ينه ده مېنينگ دروازم اۋنگيدن اۋتگن اېكن. بيزلر اېسه تۇغرى قابل چپه بوغدايى نى كېسيب، سيلبرنى آچيش مقصدده چاپديك و بوغدايگه بېل اورگن چاغيميزده قابل چپه در حال قه پېردن دير بېلى قۇليده يېتېب كېلدى.

- بېل اورمه بوغدايگه، رستم! دېب، بېل نى رستم گه حواله قيليدي.
صورتيدن قان - قوتى اوچگن حالده. مېن قابل چپه بېلى نينگ دسته سيدن محكم اوشله ديم و رستم دن دفاع اي ستديم. اما اۋشندە قابل چپه نينگ مشتى باشيمگه نېچه مرته تېگدى. قابل تاغدن كېسيب الگندېك اېدى رستم مېندن دفاع قيليپ، او بيلن تلاشدى. نېچه كيشى ينه يېتېب كېلديلر و قابل تمان يوريشديلر:

- بو قابل چپه نى اېندى روده سىنى باشى گه اوره مى قويمه يمىز!
دېيردى. اوروش اوچ االدى. سرانجام قابل چپه نى بوغداي ايچيگه ياتقىزديلر و سيل، سيلبر بيلن تۇله آغير آقه باشلب، بير كته مصيبت محله اھالىسى باشيدن كۇچدى.



سفرات

سیدہاشم جعفری